

ANNAJUNI



Ijunja unuimajagmi

5

Uchi 5 mijan ajamu takastin



PERÚ

Ministerio
de Educación

La ciudadana y el ciudadano que queremos

Se reconoce como persona valiosa y se identifica con su cultura en diferentes contextos.

Desarrolla procesos autónomos de aprendizaje.

Gestiona proyectos de manera ética.

Interpreta la realidad y toma decisiones con conocimientos matemáticos.

Propicia la vida en democracia comprendiendo los procesos históricos y sociales.

Indaga y comprende el mundo natural y artificial utilizando conocimientos científicos en diálogo con saberes locales.



Se comunica en su lengua materna, en castellano como segunda lengua y en inglés como lengua extranjera.

Aprovecha responsablemente las tecnologías.




Comprende y aprecia la dimensión espiritual y religiosa.

Aprecia manifestaciones artístico-culturales y crea proyectos de arte.

Practica una vida activa y saludable.

**Curriculo
Nacional**

Perfil de egreso



Ijunja unuimajagmi

5

Uchi 5 mijan ajamu takastin



Dirección General de Educación Básica Alternativa, Intercultural Bilingüe
y de Servicios Educativos en el Ámbito Rural

Dirección de Educación Intercultural Bilingüe

Ijunja Unuimajagmi
Cuaderno de trabajo y folder - inicial 5 años Awajún

©Ministerio de Educación
Av. De la Arqueología cuadra 2, San Borja
Lima, Perú
Teléfono: 615-5800
www.gob.pe/minedu

Cuarta edición, 2020
Tiraje: 4009 ejemplares
Impreso en enero 2021

Elaboración de contenido
Yanina Cuñachi Caicat

Revisión de contenido
Claudio Wampuch Bitap, Ramon Nampag Esamat
Angela Majuash Ukuncham, Lady Akintui Tsajuput

Revisión lingüística
Claudio Wampuch Bitap, Ramon Nampag Esamat
Angela Majuash Ukuncham, Lady Akintui Tsajuput

Asesoría y revisión técnica (Digeibira-DEIB)
Martha Morales Quiróz
Bertha Liliana Pacheco Díaz

Ilustraciones
Piero Bejarano Scamarone
Archivo Digeibira-DEIB

Diseño y diagramación
César Adolfo Yekle Castro

Cuidado de la edición
Mabel Mori Clement

Se terminó de imprimir en enero de 2021 en:
Gráfica Biblos S.A.
Calle Morococha 152 - Surquillo

Hecho el Depósito Legal en la Biblioteca Nacional del
Perú Nº 2020-10157

Este material no se puede reproducir total ni parcialmente sin
el permiso expreso de los editores.
Impreso en el Perú, *Printed in Peru*



Iwainamu

Uchuch nuwauch, aishmag aidau.

Juti unuimatjin jetemjin Dirección General de Educación Básica Alternativa, Intercultural Bilingüe y de servicios Educativos en el Ámbito Rural – DIGEIBIRA del Ministerio de Educación "Eme anenjamas, papi takaku unuimatain, atumin uwegmin idaitugmawai. Kumpagmijai ijunajum, jintinkagtinjai, nuwigush pataim aidau, yaimpakmatai shiig wakejusjum unuimagtatjuwe "

Papijum takakum shig wakejusjum wainkattajume atumin batsamtajum, nuniakum dekattajume pataim eme anentsa diit, antsamek ikamjumesh ajantusa diyakum, kuwitamsa takat unuimagtatjume.

Muunta chichame antakjum unuimagtatjume, tajimat pujut, tikich pataim aidaujai.

Aniaku, atuunika egakagmi, ashi ijunja waitkas batsamain.

Takat papiigmin umikbau takakjum shiig dakunkut unuimagtatjume: wasugkamat, ejesmamu, dakumu, jakimtikat, nuwigtu wakesa agat. Nunuiakjum ejetatjume atum anentaimtugbau.

¡Ijunja unuimajagmi!

Glosario

- jakiti= color
- yajimtikat = pintar
- kenu = lápiz
- ichikmaamu = triángulo
- tente = círculo
- tatagmamu = rectangulo
- papi tsupigmaunum dakumjamu = tarjeta
- yujag dakumjamu = ilustración de las frutas.
- dakumjamu = figura
- ijunja takastin = grupo de trabajo
- niime =imagen
- tsentsakam achimtikata = une con una línea
- pusut = punto
- papi muun wegkajam = papelote
- dakumkagtamu = dramatizar
- dakumjamu anuja emamu = secuencia de imágenes
- takatai = hoja de trabajo
- tsuwamjamu = limpio
- dakumjamu = silueta
- dekatkau= primero
- patatkau = segundo
- nuwi patatkau = tercero
- yagkuatin = durante la semana
- pükuts = suave, blando
- yapinum atekatumtai = máscara
- tewa = pelota
- dakumjamu pachimjamu = rompecabeza

Dakúmamkam,
dáaujum agagta







Yujag juwaamu



Daag: _____

9

Ikamia yujag juwaamu

Jintinkagtin ujamau

Jintinkagtin muuntan asaukaji tikiju ajamunum uchijai yujag juukmi tusa wenawai.

Muun asaugtin uchin ujawai wajiyai yujagkesh jutaiyaita.

Tuja inak juwakuish wajuktaiyaita dukuji wakanjun jujuki tusaish, nuwigtush shiig tsamaku mamikia juuka yuwamatasaish.

Muun yaki waka yujagken tsujig akaketai uchi aidau juki ijumainawai.

Muun asaukagtin uchin ijumag ujawai yujag tsamaku diisa etegja batsatan.

Wajuk muun jintiame nuna adeajag uchi aidau yujagken etegkeg batsainawai.

Uchi aidau maki makichik wajaki augmatuinawai wajuk yaimkaje yujag juwamunmash.

Iniimaun aimainawai:

- Waji yujag aidau juukmaji.
- Wajuk muuntash yaigmaji.
- Yujagkesh wajuk juutayaita.
- Waji atsumaji yujag juuktasaish.
- Yujag aidau pachimja ukukmash wajukmainaita.

Jintinkagtin uchin ujawai yujag tsamaku chanag aidaujai pachimja ukukmash wajukmainaita.

Waji yujagnak juwakug muuntash yapin ipakjaish yakamajash weu aajami.

Yaa yaimainawa

Muun asaukagtin.

Tuwi takanua

Asauk dekatkaunum.

Dakumkata wajuk ikamia yujag juwamunmash yaimkamume.





Daag: _____

Yujag juwaamu wasugkamami

Jintinkagtin ujamau

Uchi yujag juwaaku wekaesamujin augmatuinawai, nuwigtu wajuk etegjag akanjagme nunashkam.
Jintinkagtin tanishnum anujui yujag nejeka wajau dakumka tsupigbaun.
Waji atsumaji yujag juuktasajish.
Uchi yujag yuwaaku takatain adayainawai.
Jintinkagtin yujag juwaku takastinun tsegkenan chagkinjai iwainawai.
Uchi tsegkenjai yujagken tsujig chagkinum egkeawai.
Uchi aidau kam kam juunikag papii yujag dakumja tsupija anujamun tsegkenjai tsujigkag chagkinum egkenawai.
Yujagken tsujig chagkinum egkeatakama agaa ajuakug nuwig ukuktatui.
Ayamtainum kaunawag yujag chagkinum chimpijun jiinawai.

Nuniak inimaun aimainawai:

- Waji yujag aidau juukmaji, wajuk yujag aidaush juukmaji, tuwi yujag aidaush batsame, tsegkenjai yujag tsujiamush utugchatka.

Yujag juukmaujin adeag akanag ijumui, nuniak jintinkagtinun ujawai wajuk akanjash ijumjae. Papii takatain dakumjamu S1 nuviya ayaun jukiag takainawai.

Tuwi takanua

Ayamtai agajin.

Waji atsumnawa

Yujag yaas chanag muun uchuchijjai, apai muun uchuchijjai, inak muun uchuchujjai, achu muun uchuchijjai, numi esajam tsegkenjai yujag tsujigtin, chagkin yujag chimpiaitin.

Yujag aidau diisam betekmamtin wainkumek chagkinum apatkam chimiata, kumpajum ujakra wagka apatkamesh chimpiaume.





Durazno






Manzana



Uva



Mandarina



Daag: _____

Yujag tikich nugkanmaya dekami

Jintinkagtin ujamau

Jintinkagtin ikamia yujag dakumjamun uchin iwaintawai.

Uchi aidau yujag waintaijin papii tsupikmaujai dukuka ukuawai.

Jintinkagtin uchin iniawai: yujagke daajish tuu ainawa.

Uchi aidau augmatuinawai yujagken jakitin niimen diisag.

Tikich nugkanmaya yujag dakumkamua dusha iinia yujagjai apatka diyamash tujai betekaita.

Jintinkagtin uchin ujawai juju yujag juuka tikich nugkagmaya yutai ainawai tusa. Tikishnag iina nugkenig kaunin ainawai.

Yujagke daajin nuwigtush wajuku niimesh ainawa nuna uchin ujawai.

Yujag **capulí** tutaig makichik jikayi ajinai, shiig yumigtnai, shuwiqjai betekai.

Yujag **tuna** tutaiya jujuka yuminai, saepeg jagkigtnai nuniaw asamtai kuwitamsa pakatia.

Yujag **durazno** tutaig yuminai, saepeg pukuschi, makichik jikayi bachutjau ajawai.

Jintinkagkin suwawai uchi aidaun papii tsupigbau pag. Ki awa nuiyan.

Uchi aidau adayainawai yujagke daaji aidaun, nuniak juuninawai yujag takamchau nuigtu jimaipituk niimtinu pachis wasugkamatatus.

Jintinkagtin tinamui takatain.

Tuwi takanua

Ayamtai.

Waji atsumnawa


Durazno, uva samekbau, manzana, pera, aidau dakumja anujamu. Nuwigtu yujag iina nugkenia dusha agkan dakumja anujamu atatui.

Dakumkamunum yamtame dakumjukta.





Shiig wakenujai



Kumpajuk shiig wakejinuwe

Daag:

Yujag shiig wakejusa yutai dekami

Jintinkagtin ujamau

Ikamia yujag ikaunmamun uchi diinawai.
Uchi aidau yujagken achikag, kugkuas, yusa
dakapenak yumiskajin, jakitin, kugkuntin
etsejuinawai nuwigtush ujajatainawai
wakejusa yutaijin.
Yaunchuk yujag pegkeg yuwamujin
adayaínawai.
Uchi aidau jintinkagtin tikich yujag dakumjamu
iwainamun diinawai.
Uchi nuwa, aishmag aidau yujag wakesa
yutaijin etegkenawai.
Yujag wakesa yutaijish wajukukita nuna
etsejuinawai.
Uchi aidau yujag yuchataijin mamikiawai
nuniak augmatui wagka dakitawa nuna.

Uchi nuwa aishmag aidau chik chik kumpag.
egainawai yujag nii yutaijin betek yuchaun.
Kumpag. igkug iniawai wagka yujag eteja
nunash ima wakegawa.
Jintinkagtin uchi papii takatain, kenu nuwigtu
jakimtiktain aidaun tinamui.

Waji atsumnawa

Jintinkagtin ikaunmattawai: yaas, yumug,
wakam, akagnum, kugkuk, kunchai, daum,
taperibá.


Ikamia yujag dakumja iwainamu: tauch, inak,
shuwiya, sampi, wampa, pau, apai, chimi,
kushikam.

Tatag samekbaunum yujag wakesa yutaijum, yuchataigmejai dakumkam jakimtijata.
Nuniakum tatag wigkaya awi yujag kumpajum wakesa yutai dakumkata.



Mijantin bakishkia
yutayaitjai,
yumiskachuitjai.
Jigkaijunak saepjujai
shiig juuka
atushat ajapen ainawai

Wisha yaitja



Anentaimsaa adaiyat unuimagmi

Jintinkagtin ujamau

Jintinkagtin anentaimsaa adaitain uchin augtawai.

Wakejus yujin ainawai,
niimjuk yagkuwai,
yujuinakug wenin
ajatin wain ainawai.

Wisha yaitja

Jintinkagtin uchi aimau antawai.

Jintinkagtin uchin yayawai anentaimsaa adaitain daajin ejeti tusa yujag dakumjamun iwaintak.

Jintinkagtin dekatkau anentaimsaa adaitain agagbaun aujus nagkanak, uchi aidaujai dakumjamun diisa adayainawai anentaimsaa adaitai daajin nunik anujui yantamen akanak. Patatkau agagbaun aujui nunik yujag dakumja akanjamunum anentaimsaa adaitai daajin diisa ejewai.

Aikasag emawai uchi anentaimsaa adaitai daajin ejeti tusa.

Tikich anentaimsaa adaitain jintinkagtin iwainawai.

“Makichik jikai shuwin
pegkejush wajaknaitjai.
Saepchijuk chichapchi,
Etseek wakejus yujin ainawai”.

Wajuk takasam tantaume aikasmek emata uchi anentaimsaa adaitai daajin ejeti.

Jintinkagtin uchin papii takatain kenu jakimtiktajai tinamui.

Tuwi takanua

Ayamtainum.

Waji atsumnawa

Ikamia yujag dakumjamu: tauch, daum, yaas, yugkua, kunchai, akagnum, kugkuk.

Anentaimsaa adaiyat jintinkagtin augbau antukam, daaji ejeyim dakumkata.





Bikut ikigmaja yutan jintiauwai

Jintinkagtin ujamau

Jintinkagtin uchijai chichak tawai, uchi nuwa aishmag aidau atum uwejum bika aig mama yuwamun wainkajai duwi ipajime Bikut pachisa augmatbau antukmi tusan.

BIKUT

Makichik uchi aishmag akinaya tuwajame. Nunikmatai apaji chichak uchi waimaku, kakajam ati tajai tusa, pipichik umumainchau asamtai baikuan ujutchinum tsae tsaetas ema akujia tuwajame. Akujam kanagmatai juki tampuchijin egkes suwen jujug jakai tusa yumi uwejen uchupig suwen takaju, uchuptau, weniuchijin yumin dakitau dutikam nuna uwas egketu tampuchijin. Duti dutikam magkau uchi shitamu wekagu. Nigki wekagama antai dukapesh kesatus amau.

Tuja duti dutikam muun wajas nagkamau waimatan, nunik chimpuinum ekentsam pujus jintinkagtau pujutan pachis, tajimat pujustinun, juga tsuwamja pujutan, iyash kuwitamtan, nuniak wakenun wemesh, shikipakmesh, shiig ikigmajum yuwartajum tiuwai.

Bikut jintiamun pachis augmatuinawai.

Jintinkagtin iniimui:

- Wajukmainaita uweg bika aig tusash mama yuwamash.

Uchi susata papii takatai, jakimtiktaij ajiatidaujai.

Yagkuagtin takastin uchi susata papii takatai pag. 203 agagti tsawantai ikigmamujin.

Tuwi takanua

Ayamtainum.

Waji atsumnawa

Yumi, japug, tsapa, agkunip. Tijig, ajiatin aidau. Ikamia yujag dakumja iwainamu: tauch, inak, shuwiya, sampi, wampa, pau, apai, chimi, kushikam.

Yutai ikigmatsuk yuwamash wajukmainaita nunu dakumjamu jakimtijam iwainakta.





sukutin



papapatu



bichatin



Ikamia yujag yuta unuimagmi

Jintinkagtin ujamau

Ayamtainum kugkuki nejen ejewai.
Uchi kugkuk diisag augmatuinawai
nuninak etsejuinawai wajuk etseka iminka
bukuntayaita.
Kugkuk jikaintin asamtai kuitamamsa yutan
chichainawai.
Jigkayin kajemjaig tusa.

- Wajukmainkita kugkuk yumi nimpainnum
egkea ukukmash.
- Wajukmainkita yumi bichatnunum egkea
ukukmash.

Jintinkagtin uchi chichamun papinum agawai.
Kam ichinak yumi bichatin, papapatu, nuwigtu
sukutin aidaun yajakag batsainawai.
Shiig esetus diinawai kugkuk wajukeawa
nuna.

Apatuk diinawai nagkamku wajintuk
aggbauwaita, yabai takasa inagnaku
dekomujijai.
Tikich yujag aidau kugkukjai betek inagtaish
tuu ainawa.
Kugkuk iminak kugkukjai yuwinawai.
Nuwigtush aneaku yuwinawai kugkuk jigkayin
kajemjaig tusa.

Tuwi takanua


Ayamtainum

Waji atsumnawa

Kugkuk, ichinak, yumi sukutin, papapatu,
bichatin.

Yumi ichinkanum yajaka batsasbau diisam kugkuk wajukunma etsekjadi nunui
dakumkamu anujata.





Wasugkamtai tutuweu najanat unuimagmi

Jintinkagtin ujamau

Jintinkagtin uchin chiwi yumi, batae aidaun jikajin iwaintawai, nuniak iniawai waji jujaish najanmainaita tusa.

Jintinkagtin uchi aimau antawai.

Jigkai aidaujai wasugkamtai najantan jintinjamati tusag muunta jeen wenawai.

Ayamtainum kaunawag muuntash wasugkamtainash wajuk najanme nuna adeajag chichainawai.

Jintinkagtin uchin tinamui papii takatain, nuniak wasugkamtai diisa najantain aujuinawai adeag takasagtatus.

Uchin batae jikayin tinamui.

Jintinkagtin uchin wakemitkawai tutuweu najanat umikbaun.

- Batae jikayi kuwim jukim najankatajum waa najatuamu etejata.
- Batae, jikayi, ipakjai ipakuata.
- Wasugkamata waa Jimag tsajam uwegmejai epetkum, umpuakum tsajam uwejum ujaim epenkum pegkeg shinau antuktatme.

Tuwi takanua


Ayamtainum.

Waji atsumnawa

Batae, jikayi, kuwin ipak.

Tutuwea najanamau diisam, najanata aminu.





Daag:

Wasugkamami jigkai tishikiamu

Jintinkagtin ujamau

Jintinkagtin uchin jigkai aidaun iwaintawai,
nuniak iniimui:

- Jigkaijaish wajuk wasugkamainita tusa.

Uchi aidau chichaman uminawai maanitsuk
wasugkamatnun.

Jigkaijai wasugkamkujik iina kumpajijai
tukuniitsuk, apatsuk, dujinum egketsuk,
kuwishnumkesh egkeashtatji tusa
augmatuinawai.

Jintinkagtin uchi ujawai wasugkamattaji jigkai
waa tenteamunum egkeaku tusa.

Uchi aidau dakapdayainawai tenteamunum
jigkai tishikia akagkeka egkeamum.

Jintinkagtin iniimui.

- Tuu jigkai tenteamummash tikijuchish iyame.
- Tuu jigkai atushtash iyame.
- Tuu jigkai tenteamunmash egkemae.
- Tuu jigkai tenteamu aganish iyame.

Uchi nuwa aishmagjai etsejuinawai maki
makichik jigkai iyamun.

Tuwi takanua

Ayamtai agajin.

Waji atsumnawa

Jigkai kagaju aidau.

Jigkai tishikiamush tuwi juwakme nunu dakumkam kumpajum ujakta.





Ikamia yujag yuchatai dekaami

Jintinkagtin ujamau

Jintinkagtin uchin ujawai yujag yutai aidau tuja yuchatai aidaush wajuk dekamainaita nunu augmatbaun.

Ikamia yujag yutai tuja yuchatai aidau dekamu

Wi pipish asanuk apachjujai ikam wekaeyin ayajai. Jintaa wesa yujag ayau wainak ujatak tuyi: juka chimi, kunchai, inak, apai, shagkuina ainawai juka yutaya tujuti. Jujunak kuntinush tsamaka kakegun kautin ainawai tusash ujati.

Yujag yuchatai aidaunash numijin antig nuniashkush neje iyajun iwaintujak juka daajig juju ainawai tusa ujatin ayi: juka kaashnum, tsegasnum, kupat, yumpig, tsapatag, shishim, yugkuanim, bakaig aina juna nejeg yuchatia yapau, tsupau aina duka apashtaya tuyi.

Yuwajik jataiya imaka, wake inagtaya nuniaku ijagki jataya tujash kuntin aidauk yuu ainawai ditash aidau asa tusa jintinjin ayi.

Augmatbaun shiig jikatus uchi antuinawai.

Jintinkagtin iniimui:

- Yujag yuchatainash wajig yuu ainawa.
- Yujag yuchatai yuwaqish wajukmainaita.

Papii takatain dakumjamu S2 nuviya ayaun jukiag takainawai.

Tuwi takanua

Ayamta agajin.

Waji atsumnawa

Dakumjamu augmatmau pachis.

Augmatbau pachis kam dakumjamu.

Uchi yuwinak batsata nunu diista, nunikam yuwanawash wajukenawa nunu dakumkamu anujata.





Daag: _____

Unuimagmau iwainmamau

Jintinkagtin ujamau

Jintinkagtin uchi aidaun anentaimtikawai wajina takasagmayi.

Kumpajijai augmattsagtatui wajina takasagmayi nuna.


Yamai ame dakumkata tita wajina wakejusash takasajiwawa.







Juti ajajig
tinamja
ajakmauwai



Daag:

Nugkui augmatbau

Jintinkagtin ujamau

Uchi aidau dukujun jegajuawaje nugkui pachis augmatun antugkatatus.

Dukug ujawai uchi aidaun ajaka ajakenak Nugkui awajun nuwanak susauwai ajakma yuinak batsamsatnume tusa.

Uchi aidau ayamtainum chimpimawag augmatuinawai Nugkui pachis.

Jintinkagtinjai batsamsag augmatus chichainawai Nugkui ajak sukagtusbauwa nunu juti patatish yamaish ajanui tusag.

Jintinkagtin inimui: wajukatnuk ayi nugkuish uchi aidau waitkashmash.

Jintinkagtin uchi aidaun tinamui papii akankamu takastinun nuwigtu inaktawai dakumjamu aidaun pag. 35 nuwiyan diisa takastinme tusa.

Yaa yaimainawa


Makichik dukug muun.

Tuwi takanua

Ayamtainum dukug muunta jeen.

Dakumjamu diisam pataetukam augmattsata nugkuish inash wají ajakna ukugtamkiuita. Kumpagmijai ijuntsajun dakumkamua nunuiya atumin shiig awatamu nunu tsupijam anujata.







Taágkana

Wachitin

Daag:

Tsawan ajakmatai dekamu

Jintinkagtin ujamau

Jintinkagtin uchi aidaun iwaintawai tagkana yagkujig, nuigtu tagkana wachijig.

Uchi iniamu:

- Atumesh tankanash, tagkanjaish wainnukujum.
- Tagkana yagkujish tagkana, tampucha washijish wajukuita.
- Tankana tankanjaish tuke. Yagkujuawash wagka.

Jintinkagtin ujawai uchi aidaun tagkana yamkujakum, tagkan wachijakuin ajak ajakmat nagkamnawai tusa.

Nuwigtush ujanui juke ainatsui tusa.

Tagkana: yagkuji kapantui, jempe bukutnai yagkujin, tuja kakajus jegagmaitsui wisutji najamnun ijujatu asamtai.

Uchi aidau augmatainawai waigkamujia pachis tankanjai, taykanjai, betekush aina nuna.


Tuwi takanua

Ayamtainum ikam wekaegas.

Tagkan: tagkan wachijukushkam diisa ajatmataiyi wachijig esagmai yagkuttakui, bukamkatui.

Wajukuita taagkana yagkuji, nuwigtu tankana wachiji , tsawan ajakmat jegataish nunu dakumkata.





Wajiyai ajakmataiyaita nunu dekami

Jintinkagtin ujamau

Aga jiinag batsamas etsejuinawai diita apajish ajakmatasash wajina takau ainawa.

Jintinkagtin iwaintawai wain, bachitan palanan, chagkinan.

Uchi aidau etsejui takaku atsumtai aidaun pachisag wajinma yaijatua nuniak etsejui ditash tunak takajawa.

Dakumkagtuinawai wajuk takatayaita.

Waish nuu esanmakeash aina esanti disam ijumata.

Wajuk ijumainaita.

Aduja takatain tinamui, pag. S4

Yaa yaimainawa

Jintinkagtin.

Tuwi takanua


Ayamtainum

Waji atsumnawa

Wai wej betekmamtin aidau.

Maki, makichik aentsun uwejin anujata wai niine aidau disam.





41

Daag:

Wajuk ajamtayaita ajash

Jintinkagtin ujamau

Uchi aidau apaji aja takamunum shimutkag diinawai. Wegashkush muuntan ipawag wajuk aja ajamtayaita nuna dekajuinawai.

Nugka mamikjamunum ajan ajamainawai.

Jintinkagtin uchi aidaun ujawai ditash wajinma yaimkagtatua nuna.

Umutai najanamun uchi aidau ajamainawai.

Ayamtainum wakitkiag augmatuinawai diita yaimkamujin ajaa ajabaunum.

- Iina apajish wajukame, iina dukujish wajukame.
- Atumesh wajukamugme.
- Wajukmainuk wajakmaji uchi aidauti takainakuish.

Jintinkagtin augmatui ipaama takasa pujamun.

Jintinkagtin uchi aidaun iniawai:

- Tikich ipaama takataish atsuak.

Uchi aidau etsejainawai diita batsakamujinish wajuk ipamawajash takauk ainawa nuna.

Yaa yaimainawa

Apag, dukug.

Tuwi takanua


Ayamtai agajin.

Waji atsumnawa

Tsapa, pinig aidau.

Dakumkata wajuk ipaamash takasagme, amesh wajinma yaimkamume.





43

Daag:



Ajak ajakmatai ajake etejami

Jintinkagtin ujamau

Uchi aidau itainawai ajak aidaun ajanum ajatnun.

Ajak aidau dajin adayainawai.

Jintinkagtinjai anenawai muun augmattsamun ajak pachimja ajamush wajuk kuitamainaita nuna pachisag.

Ajak itamun diinawai betek niimtinush atsuash tusag.

Jintinkagtin ijumui uchi aidaun kam kam.

Tinamui ajak itamunmayan pegkejan, pegkegchaujai pachimag akanjati pegkegan.

Uchi aidau augmatuinawai waji ajak aidaun etejaje.

Uchi aidau papiin takainawai pag. S4.

Tuwi takanua


Ayamtai agajin.

Waji atsumnawa

Ajak pegkeg aidau etejamu: shaa, duse pakagbau, tsanim, biik, kegke, idauk.

Anujata ame ajak etejamu.





Daag:

Ajak ajamush wajuk kuwitamtayaita

Jintinkagtin ujamau

Dukug uchin ijumag ujawai ajak ajamush wajuk anenjutaita nuna.

Dukug ujawai uchi aidaun tikish pegkeg ajakma yuwatasa takatai aidaun.

Uchi aidau ayamtaijin waketkiag dakumaiwai diita antukmaujin.

Jintinkagtin ayamtainum jegaa uchin ijumag ujawai.

Aja tugkitken ajanui paampa, mejesh, piria aidau ajakan yumin susati tusa.

Anen dakubau ajak shiig nejekti tusa.

Jintinkagtin papiin tinamui.

Yaa yaimainawa

Dukug.

Tuwi takanua

Ayamtai agaji.

Waji atsumnawa

Aja.

Papii nanegbau jukim anujata dakumkamu diisam dukug ajakan ajakmak pujuu.





47

Daag:

Ajak aidaun ajake ajakmami

Jintinkagtin ujamau

Augmatui diita patayish wajuk ajakmawaki.

Nugka takasbaunum ajaka ajake etejamun ajakmainawai.

Apag, dukug, uchi aidaun uyunak wekaesan ujawai dekatkau ajakmatan, tsapakui tsanim shaa, paampa ajatan.

Ajabaunum muun uchi saas wekaegas waan tagawai paampa ajatnun, nunitai dukug nuwauch aidaun saas ajawai dusen.

Jiintinkagtin ayamtainum wakitki uchi aidaun iniawai:

- Dekatkaush waji dutikamji takastatkuish.
- Apag waa taimush apattsaiq taimu agma.
- Waa taitnunash apajush wajuk dutikame.

- Makichik waa taimun mash wajupa ajakna ajawa.
- Wajina dutikawa ajakan ajaash.

Uchi takasbaujin iwainaktatus uwejen takui umuchiawai.

Yaa yaimainawa

Apag, dukugjai.

Tuwi takanua

Ajaa ajabaunum ajakmaku nuigtu iina ayamtaijin takaku.

Waji atsumnawa

Ajaka ajake etejamu aidau.

Teente tsegtsakta, nuniakum wajupa ajamji waa taimun mash nunu dakumkata.





	1 tsawan	2 tsawan	3 tsawan	4 tsawan	5 tsawan
					

	1 tsawan	2 tsawan	3 tsawan	4 tsawan	5 tsawan
					

Daag:

Ajakash wajuk tsapainawa

Jintinkagtin ujamau

Jintinkagtin ajak ajakmamun pachis iniawai:

- Waanum ajamush ajakash wajukeawa.
- Betekak tsapaina ajak ajamush.

Pumputnum agawai jintinkagtin uchi adaibaun.

Jintinkagtin uchin ujawai ajakash wajuk tsapawaki nunu dekami tusa.

Uchi aidaun tinamui biikan etejati tusa ajakmatnun pegkejan.

Biikan ujushjai pempeag uchupig ajawai.

Jintinkagtin uchin tinamui papiin pag. 49 numian nuna dakumainawai ajak ajakmamun diisag.

Jintinkagtin papii takastinun tinamui.

Tuwi takanua

Ajanum, ayamtai agajin.

Waji atsumnawa

Biik, tsapa, yumi.

Ajak ajakmamush tsawan juwakush wajukeawa nunu diisam dakumkata.





Dekami yaa imaa senchish daeknash japiawa nunu

Jintinkagtin ujamau

Iina apaji segami daekan najatjamati ii japiniktinun.

Akanui sup uchi aidaun dutika ujawai yaa eemkash wajawa, tuja yaa ukujinish wajawa nunash mamikia dutika japiktinun suwawai daekan yamai akanjamua nunu japininawai .

Nugkanum tsentsakta akanjamua nutijum japiktajum dutikakjum yaki tsentsakbaun dajajat duka senchigtingchau atatui.

Ayamtainum jegam papii tinamjata dutikam ditash dakumkatnume.

Tinamui papii takastinun.

Tuwi takanua


Ayamtai agajin.

Waji atsumnawa

Daek esqjam.

Amijai wasumkamunum wajasu aidau dakumjata, nuniakum augmatsata yaa amina emjuminish antsag ukugminish wajasme nunú.





Ajash wajuk ajamtaiyaita

Jintinkagtin ujamau

Uchi aidau weenawai aja ajamaidaun diinak.

Kakajus ijagmainchau ataig ipawai makichik
muuntan aja ajamaun ujatkati tusa.

Muun ujawai nuniak tawai aja ajamtag takuik
ipama takataiyai. Dekatkauk nugka eganui,
dutika beekmi ipanja apea ajatia tusa.

Ayamtainum wakitkiag etsejuinawai muun
ujakbaun adeajag.

Uchi aidau etsejuinawai ditash apaji aja
ajamtaish wajinma yaimin ainawa nuna.

Ijunag batsamsaq egainawai nugka mamikja
ajakmatnun.

Papii takastinjin tinamui.

Yaa yaimainawa

Muun aidau.

Tuwi takanua

Ayamtai agajin.

Ája yamaa apea emamu dakumkata.





Daag:

Unuimbagbau iwainmamau

Jintinkagtin ujamau

Jintinkagtin uchi aidaun anentaimtikawai wajina takasagmayi.

Kumpajijai augmattsagtatui wajina takasagmayi nuna.

Yamai ame dakumkata tita wajina wakejusash takasajiwawa.







Egamka yuta
dekaami



Daag: _____

Etsa Ajaimjai augmatbau antukmi

Jintinkagtin ujamau

Jintinkagtin uchi aidaujai apachji jeen
shimawai Etsa Ajaimjai augmatbaun antuinak.

Ayamtainum kaunawan augmatbau
antukmaujin adeajag augmatuinawai.

Jintinkagtin uchi aidaun iniawai:

- Múun apachi waji augmatbaun
ujapakme.
- Ajaimnash Etsash wajina segauwaita.
- Etsash nagkushpijaish wajinak mauyi.
- Etsash uumjaish wajinak mauyi.
- Iiniash wajinak takau ainawa Etsajai
betek kunitun main atasash.

Augmattsamu dakumkagtaku iwainakmi.
Jintinkagtin uchin papiin takatain kenujai
tinamui.

Yaa yaimainawa

Apachji.

Tuwi takanua

Apachju jeen.

Etsa Ajaimjai augmatbau pachis dakumjamu awa nunu diisam tuwita dekaskesh nunu
jakimtijata.





Tapir



Cassowary



Anteater



Beetle



Yaki ima kuashtash mauyi kuntinnash

Jintinkagtin ujamau

Jintinkagtin, uchijai, awaksag augmatuinawai
Etsash dekatkaush wajiyaiq uwettsukesh
mautnash unuimajuakita.

Jutík wasugkamku, mamikjá tukut unuimagmi,
tusa chichaman umikaje. Papinum kuntin
dakumja numiuchinum anujamun ayamtai
agajin ajinawai, aents nagkaemashtainum.
Numiuchik takatkataik ajigta antiamak
waamak iyaumain.

Chichaman uminawai ashi shiig aneasa
maanitsuk wasugkamatnun.

Aishmag aidauk úumjai dekapsagtatui nuniai
nuwa aidauk tewa yaigjai kuntin dakumjamun
tuku qjuawagtatui.

Numiuchinum anujainawai.

Papinum kuntin dakumjamun wasugkamku
akakekmaun yajuak ukuinawai. Nunik dekas
chicham juni wasugkamami tusa umikmaush
betekash uminka nuna diinawai.

Kuntin maamujin ijumainawai nuniak pishak
kuntin aidaujai akanag batsawai.

Jintinkagtin iniimui:

- Wajupa maugme maki makichik ijumjamunmash.
- Waji kentinua makichkish maugme.
- Wajupa wishishish maugme.

Jintinkagtin takatain tinamui dakumjamu diisag
ejeti tusa pag. T1

Waji atsumnawa

Aishmagkuk maki makichik shashapin
takakainawai, nuwauchik maki makichik tewa
takakainawai.

Uchi papinum kuntin chigkijai dakumja
tsupigmau.

Tatag aidau diista nuniakum uchish kuntinnash wajupa maawaje nunu anujata,
nuniakum kumpajum ujakta uchish maki makichkish wajupa maawaje.



Kuntinush tuwi batsatua



tuwi batsatua

wajina yuuwaita

Kuntinush tuwig batsatua

Jintinkagtin ujamau

Jintinkagtin yugkipak, kawau, shushui,
dakumjamun aidaun iwaintawai.

Uchi augmatuinawai nuniiajintinkagtin uchin
iniawai:

- Jusha kuntin, pishak aidaush tuwig
batsatua.
- Wainnak anmaujum.
- Wajinak yuwawa.

Uchi aimau jintinkagtin agawai.

Uchi aidau aentsun mamikinawai tuwig
kuntinush batsatua, wajinak yuwaita nunu
iniimsatnun.

Papii takatain juwinawai aimau agagtatus.

Ayamtainum waketug kaunawag aimau agaja
jukimun kumpaji aidaujai ujaninawai.

Yaa muunnak kuntinun pachisash iniasagme

nuna kumpag. ujainawai.

Dekatkau agaja ukukmaun apatuk diinawai
iniimas dekamujijai.

Iniimas dekaenawai kashai, yantana,
shushupe, tsukagka pabau aidaush tuwig
batsatua.

Jeen iniimsa dekamujin kumpajijai ujaninawai.

Yaa yaimainawa



Muun aidau uchi inimaun aimainawai.

Tuwi takanua

Ayamtainum muunta jeeniskam.

Agkagtunum dakumkata kuntin maki makichik adaijamush tuwi pujuwaita nuniakum
wajina yuu ainawa.





Wajiyai mautaiyainta nunu dekaami

Jintinkagtin ujamau

Jintinkagtin uchijai muunta kentinush jeen weenawai wajuk kentinush mautaiyainta nuna dekatasag.

Muun uchi aidaun ujawai yajag ema chigki mautan nuwigtu chinamajaish waji kentinua mautaiyainta nuna.

Muun uchin chichajak yajag emakjik shimpankaig tusa etsegtsuk wetaiya tawai.

Ayamtainum kaunawag muun kentin dakamtika mautain adaijamun adeajag adayainawai nuwigtush waji kentinuk nunujaish mautaiyainta.

Jintinkagtin papii muun wegkagmanum kentin dakamtika mautai dakumjamun iwaintawai.

Uchi aidaun iniawai dakamtika kentin mautai aidaush tukita, jintinkagtin uchi adaimaun papinum agawai.

Sup uchi juniikaje takastinun uminainak.

Maki makichik juunikaja nunu mamikiawaje waji yajagna dakumkagtatua.

Dakamtika kentin mautain dakumak nuwigtu dakumui waji kentinua mautaita nuna.

Jintinkagtin uchi papii takatain nuwigtu dakumjamu aidaun pag. T3 nuwiyan tinamui.

Yaa yaimainawa

Muun.

Tuwi takanua

Muunta jeen.

Waji atsumnawa

Papii wegkagmanum dakamtika kentin chigki aidau mautai dakumjamu.

Muuntash wajiyai dakamtika ukukiu asaya kentin nii wakegamunash maumainaita nuna anujata.



Tsawai



Kashi



Kuntin tsawaish kashish yujau aidau

Jintinkagtin ujamau

Jintinkagtin uchijai weenawai muunta jeen.

Uchi aidau muun kuntin tsawai kashi yujau aidau etsegmaun antuinawai.

Papii augtaijin kaunawag unuimanmaujin augmatuinawai.

Jintinkagtin uchin kuntin dakumja tsupigmaun kashi tsawai yujau aidaun yujagken yuwinak, yumi umuinak iwaintawai.

Jintinkagtin iniimui: tsawaish waji takaugme, kashish waji takaugme.

Uchi aidau apajijai tsawai kashish wajinak takau ainawa nuna augmatuinawai.

Jintinkagtin kashi tsawaijai kuntin yujagken yuwinak nuwigtu yumin umuinak yujau aidaun augmatui nuniak aents kashi tsawaijaish wajina takau ainawa nujai apatuk diinawai.

Waji kuntinuk kashi tsawai aajash yujaush ainawa.

Uchi apaji dukujijaish tsawai kashish wajinak takau ainawa nuna augmatuinawai.

Jintinkagtin uchin papii takatai tinamui.

Yaa yaimainawa

Muun.

Tuwi takanua

Muunta jeen.

Waji atsumnawa

Kuntin dakamkamu tsawai kashi yujau aidau.


Kashish, tsawaish wajuknume nunu dakumkata.




1. Jempenash apajish wajina jintintuauwaita



2. Jempesh ikam egamak wegakush wajupa kuntinnak maumainkaita



3. Jempe ikam jegatai kuntin pisau dakumkata.



Daag:

Kuntin megkaegag wegamu augmatbau antukmi

Jintinkagtin ujamau

Jintinkagtin uchijai augmatbaun aujui.

Uchi segamiagtai patak aujui.

Jempe kuntin maamu

Duik muun uchiji Jempe daantinun apujus puuya tuwajame. Pegkeg pujut aidau jintintak, nuwintush jintitu kuntin aidau maa yutan. Dekatkauk jintintuaya tuwajame uumjai tuku kuntin mautan, tsakaja wetai jintintuau yajag ema chigki nugka yujau mautan nuwi pujus unuimajui akajujai mautan. Apaji jintintuawai ima makichik kuntinuk maa wakettaiya dukuji kajegtukaika tusa, nuniaku Kuntinu uchijish maushtaya kuntin yujakti tusa.

Jempe unuimajui kuntin mautan, kajimatkiuwai apaji kuntin imatika maushtaiya timaunak, nuniak wakejukui aan kuwashat maatatus. Nuniu asa kuntinun tsawantai kajeu, ima imatikam jegaya tuwajame kuntin amuegat.

Nunik pujus anentaimak tiu “pegkejai kuntin maamuk tujash kashi kashinig maa yumaitsui kuntin amuekai tau asa nuwigtush akajujaig maumaitsui kuntin atushat shimawai”.

Yamaik ikam wekaeku wegamash wainnatsui bachig, yugkipak, pabau, chigki weantuk. Juju kuntin aidauk amuekaje, Kuwitamkami kuntin aidau tusa Jempe indaisauwai kutin mautan, nuniak nagkamauwai atash, patu tagkuma yutan.

Jintinkagtin iniimui:

- Jempenash yaki kuntin mautnash jintintuayawa.
- Jempesh kuntinnash wajiyak maayi.
- Jempesh kuntin mautnash wagkag idaisabi.
- Wagka kuntinush shiig atushtash shimawa.

Jintinkagtin uchin papii takatain tinamui.

Tuwi takanua

Ayamtai

Waji atsumnawa

Kuntin yamai amuegak mina nunu aidau dakumjamu.

Jintinkagtin auja nunu antukam aimkata. Nunikam dakumkata.





Papii muunnum kuntin kajegchami tusa najankami

Jintinkagtin ujamau

Jintinkagtin uchijai Jempe augmattsamun awaksag augmatuinawai.

Jintinkagtin kuntin dakumjamu ikam wekaekujish kakajus wainchatain iwainawai.

Uchi aidau kuntinu daajin adayak augmatuimawai tuwig wainkaush ainawa aniashkush yaa augmatmaunak antukajuita.

Wajukmainkita ikamia kuntin egamka maa yuu pujamash nuna pachis augmatuinawai.

Yaunchuk muuntash wajuk ikamia kuntin aidaunash kuwitama ajakuita, ajabi nuna augmatuinawai.

Jempesh wajina takakug atsumkas yumainjish ajawa, ikam kuntinun egaka yuwatsua duwish, nuna pachis augmatuinawai.

Jintinkagtin iniimui:

- Batsatkamunmaya aidaush dekainawak kuntin amuegak minidaunash.
- Wajukeakjia batsatkamunmayash kuntin

amuegak mininadusha ujamainita.

- Waji tumainkita

Uminainawai afiche takasa iwainaktinun.

Jintinkagtin uchin papiin takatain pag. 71, TI tinamui.

Ijunainawai tsanitaijjai dakumkamun etegken adukatnun diinak.

Tuwi takanua


Ayamtai.

Waji atsumnawa

Kuntin amuegak mindau dakumjamu.

Dakumkamu etejata nuniakum chicham agagta kuntin maashmi tusam.





Daag:

Jintaá ainjá kuntin ejemau wasugkamami

Jintinkagtin ujamau

Jintinkagtin wajuk wasugkamawagtatua nuna uchin ujawai, nuniak tawai: amain kuntin shiig kuwashat ayau tuinawai. Dusha, wajuk katigjia kuntinush jumainaitji.

Jintinkagtin batsawai kayan, duka, numi aidaun katigtakama utujimkati tusa.

Jii epeka wasugkamainawai kuntin batsatmaunum jegatatus.

Kumpaji aidau eem weta, ukunum waketkita aatus ujainawai.

Wasugkama nagkanainak augmatuinawai jii epeka wasugkamaunash shiig aneasajash wasugkamawaja nuwiglush kumpaji wajuk wetatua tusa ujakmaunash shijash ujanika.

Waji atsumnawa

Chigki kuntin aidau wakani.

Jinta ainja wegakum uchi ikamyawan niimen nugkuja pujamunum jegata.





Tuyas



ikam



tantau tujash wakitkiu.



ikam



tantau tujash wakitkiu.



kuntinun mautsuk wakitkui.

Kuntin aidaun kuitamu asa.

Ejesmamu unuimagmi

Jintinkagtin ujamau

Jintinkagtin ejesmatai papii muun wegkagmanum agagbaunum uchin iwaintawai.

Jintinkagtin yaigkam uchi agagbaun auji.

Jintinkagtin ejesmawai uchi antuinawai.

Inimui:

- Ejesmataish wajina tawa.
- Kuntinush wajukenawai tawa.
- Jintinkagtin ejesmawai uchi aidau antukag ejesmainawai.

Uchi aidau yapinum atektumatai jukiag papii takatai pag. K2.

Nunuiyan ejesmamun diisag dakumkagtuinawai.

Tuwi takanua


Ayamtainum.

Waji atsumnawa

Ejesmatainum dakumjamu.

Jintinkagtinjai ejesmatai ausata.







Kuntin chigkijai amuegak wegaamu

Jintinkagtin ujamau

Jintinkagtin tikish nugkanmashkam kuntinuk menkaegak minawai tusa uchin ujawai. Aents aidauk kuntinu uchiji mantamunum nuwigtush diita batsamtaiji emestuk emamunum nuniawai tusa augmatui.

Papii takatai pag. 77, 79 uchin tinamui kuntin dakumjamun takatai pag. D1 awi tsupig anujati tusa.

Amukag ukuinak jintinkagtnjai aujas jeen juinawai.

Jintinkagtin amaa nunuiya kuntin dakumjamu tsupigta.
Nuniakum kuntinu daaji ausa nunui anujata.





Daag:

Unuimbagbau iwainmamau

Jintinkagtin ujamau

Jintinkagtin uchi aidaun anentaimtikawai wajina takasagmayi.

Kumpajijai augmattsagtatui wajina takasagmayi nuna.

Yamai ame dakumkata tita wajina wakejusash takasajiwawa.







Juti nugken
takatai dekaami



Dekaami duwejai awantua takatai

Jintinkagtin ujamau

Jintinkagtin uchi aishmag, nuwauch aidaun iwaintawai pinig, buwits jaanchi dukukmaun.

Jintinkagtin uchi aidaun iniawai: jusha wajimpaya.

Uchi aidau ayatak achika diisa anentaimas ejewai.

Dukukbaun ujak pujusag chichainawai.

Dukuju jeen wegag antuinawai ichinak, pinig, buwits takat aidaush wajuk najanamuita nuna pachisag.

Dukug iwainawai maki makichik nuniak agawai daajin.

Ayamtainum pujusag adayainawai waji aidauna dukujush iwainakme, agatkamujin diisag etsejuinawai. Wajinma takataiyaita.

Jintinkagtin inimui:

- Amina dukuch wajina takauwe.

Tinamui papii takatain pag. T2, 85.

Yaa yaimainawa

Dukuch.

Tuwi takanua


Dukuchi jeen.

Waji atsumaji

Makichik pinig, buwits.

Betekmamtin aidau diisam dakumkamun anujata.





87

Daag:

Najanami iina takataiji aidau

Jintinkagtin ujamau

Dukuju jeen wenawai ujatkati tusa iina takatai aidaush wajuk najantayaita, nuwigtu waji atsumtayaita najanatagtakuish, junash yaa najannaita, wajuk takatayaita pegkeg jinkiti takuish.

Ayamtainum jegawag uchi nuwauch, aishmagkush aidau batsamas etsejuinawai dukug ujakbaun.

Jintinkagtin inimui:

- Iina takataiji aidaunash yaa najanua.
- Wajijai najantayaita, duwesh wajijaiya pachimtayaita.
- Ju najanatagtakuish waji atsumaji.
- Wagka etsanmash jitayaita. Etsanu jiyashmash wajukmainaita.

- Waji ukatnawa pegkeg winchantuki tusaish.
- Wajiyai aganua.

Jintinkagtin uchin papii takatai tinamui dakumjamu diisag ejeti tusa pag. T3.

Yaa yaimainawa

Dukuch.

Tuwi takanua

Dukuchi jeen.

Dakumjamu diisam ejeta wajuk pinigkash najantayaita, dutikam teente tsegtsakbauwa nunui anujata.



Anentaimsadaiyat



•

89

Daag:

Anentaimsaa adaiyat jiikmi

Jintinkagtin ujamau

Jintinkagtin ujawai uchi aidaun anentaimsaa adaitan:

Shuwiknush wajaknaitjai.
Tujash yumi yajawag mama
inagkag yujin ainawai.

Wisha Yaitja.

Jintinkagtin anentaimsaa adaitan jiiktatus anentaimui uchi aidau diita jeen pujusag inimsatnume tusag.

Waji daajig ujamaitsei ayatak wajuk jiitayaita duke tunawai.

Pinig dakumkamun iwainawai nunik niimen etsejui.

Jintinkagtin uchi aidaujai anentaimainawai ditash wajuk jikiagtatua.

Pumpunmamunum jintinkagtin agawai uchi aidau adaitai.

Agagbaujin awagsag aujui uchi aidau adaitugbaun.

Uchi aidau akanag ijumui.

Iwainawai papii tsupigbau dakumkamu iina takataiji najagkamun nunuiyan etegkeg juki anentaimsaa adaitan najanui.

Tikich aidau papii takusag batsatui.



Anentaimsaa adaitan najanainawai.

Waji atsumaji

Papii tsupigbau, vaso, jarra nqjanamu, buwits, pinig.

Kumpajum aidaujai ame anentaimsaa najanamujum agagta. Dutikam wajína tawa nunú ejeyim dakumkata.





Shawinmaya takataiji ainau najankamuji dekami

Jintinkagtin ujamau

Jintinkagtin tinamui dakumjamun pag. 91 awa nuwiyan.

- Pachimka batsatain uchi iwainak takainawai, niimen diisag.
- Dakumkamun iwainawai, jutinu najana takatai aidaun.

Jintinkagtin iniimui:

- Jusha juti takataijijaish betekaik.
- Wajukuiya betekaita.
- Wajiya betekchauwaita.

Papii muunnum agagta uchi adaimau.

Jintinkagtin, uchi ijumag ujawai, shawinmaya aents aidauk duwejai najambaunak kayana tinu ainawai tusa.

Shawinmaya aents aidauk jutijai betekai, nuniatak ditash batsamin ainawai, peru nugkenig.

Kayanash muuntash awak.

Awai Kayana apuush antsak yaigchish.

Kayana muunumak, kuntu neje ashi yuwatnun ukuinawai, untsuk yaigchinmak, makishkiti yutain juug ainawai.

Waji atsumaji.

Kayan tutai pinig.

Pachimja batsakam anujata, dutikam dakumjamu diisam augmattsata.



Nuwauch Ana kajamjamu


Anag mijanji ajawai yuk. Senchi wakenai papin ausatatus, tujash dakitin pinig, ichinak aidau najantan.

Anag dukuji shiig najannai pinig aidaun, nina jeen takastinun. Najanak pujus Anag tukee untsuawai, wajuk takasa najankuiya pegkenchish jiimainaita nuna antuk unuimagti tusa. Tujash nuu tamash puyatjus antachu nuniak uwejjai ima senchi wasugkamu, nuniak dukujin tawai, wagka tikish aidaush najanainatsua, ayatak *plastico* najankamuwai egkeg yuinawai, au ima pegkejai wamak dijaja uminka tewa wasugmainai tau.

Tutai apaji tawai, antukmajai *radio* num, *plastico*, *botella* ainau takamaitsui senchi nugkan ebeseawai tamaun. Tutai Ana chichak, chaa ibau muun ina ikaamji awa nunash wajuk ebesatki tau. Tutai dukuchji antuk, diik Anag au jimgama muun waja nuna ukuwen weme diisia wajukukita tau.

Tima anashakam jegan diikma cha tsuwat wainka
iikmakmaun wainkau, nuwig wajaig tikish pataa
tsuwat peegchaun juki minaun wainkau, tuja
numiauchik tuke jamartin wee wajau nuu iman
yantamen utuatkam, ashi wainak taa kanak,
kashi kajamu.


Niina pujutaijig ayatak tsumain peegchau
botella, *plastico* wegantu tepetag wegajun,
shiig aneasaikesh yumainchau, paan etsash
bushapau, imanun kajamag ishamak shintaju,
nuu ishamkamuk dukujin jegajua, dukawa
dekas jintinjuata pinigkush najanat imanun
kajamjan ishamkajai tiuwai.



Nuwauch Ana kajamjamu



Ana kanag shintajash dukujinash wajintua nunú agagta.



Ana yamaish wajina takawa nunu dakumkata.



Nuwauch Ana kajamjamu

Jintinkagtin ujamau

Jintinkagtin tinamui papii takatain pag. 93 augmatbaun jiktinme tusa.

Jintinkagtin uchi aidaun ujawai, dekatkauk wiya ausatjai tusa.

Aujui chicham muun agakmaun nunik iniimui:

- Dekajumek wajina pachisa augmatua.

Pumputmamunum agawai uchi adaimaun.

Diipas agag emawai shiig antuktinme tusag.


Nagkanmaunum ausata pumputnum agabau.

Uchi nuwauch, aishmagkuch etsejuinawai augmatbaun.

Aintsag takastinun suwawai iniimau ausati tusa.

Inímau ausam umikta





1 tsawan	2 tsawan	3 tsawan	4 tsawan	5 tsawan
----------	----------	----------	----------	----------



1 tsawan	2 tsawan	3 tsawan	4 tsawan	5 tsawan
----------	----------	----------	----------	----------

Daag:

Itugmainaita wajii ibau *plástico* aidaujaish

Jintinkagtin ujamau

Jintinkagtin ayamtainum ejewai junu yajuak: *plástico*, *jiju*, *espejo*, *botella*, kuchag aidaun.

Jintinkagtin iniimui:

- Jusha wajimpaita.
- Atumin jeenish junin nimtinush achauka.

Agagta tesamunum uchi adaimau nunikam akanjata tu ainawa *plástico* tuja *jiju* najanamu aidaush.

Uchi wakegainakug dakumain ainawai yantamchijin, jintinkagtin agagmaunum.

Jintinkagtin iniimui:

- Wajukmainkita *botella*, *plástico* wegantu nugka tai yutua dukap tsawan ukukmash.

- Wajukmainkita mama, paampa saepen nugka tain yutua dukap tsawan ukukmash.

Papii muunnum agagta uchi adayainamu.

Agaa jinkiag batsamash diinawai juju takat takamash wajukeawa nuniak jim waa najanawag batsainawai diita takasbaujin.

Takatainum pag. 97 awa nuna diinawai.

Tseg tsawan wegakum uchi iniasta: tuwaa minaje.

Takasag ejegainawai dekas butiya, parastiku wegantu waamak mamuachun, untsu mama pampa saepeg waamak mamuaun.

Waji atsumaji

Plástico tsaikbau, tsaikmau, butiya, kuchag.

Dakumkata ájaka (mama, paampa) saepesh, wajuk yapajinae waanum yumijai egkeamash.

Antsag dakumkata *botella*, wajuk yapajinae waanum yumijai egkeamash.





Iina takataijai najankamu agattaiji

Jintinkagtin ujamau

Jintinkagtin iwainawai pinig najana agatkamun.

Jintinkagtin uchi aidaun iniawai:

- Juu agatkamua aanush tikishnumash wainkamugmesh ajutjamaainatsuak.
- Wajiyai agattayaita.
- Iina apajish waji tsawan jegamunma usumame.

Uchi aimiagtai jikatus antawai.

Muunta jeen weenawai jintinjuati tusag.
Wagkag nuwash tuja aishmagkush yapinish usumaash wajakuita.

Ayamtainum wakitkiag uchi aidaun iniawai:

- Wajuku asamtaiya yakamaush ainawa.
- Tuu iyashnuma yakamau ainawa.
- Tujash wajuk yapinish agamau ainawa.
- Aishmagkush yapinish wajuk usumawajakuita.
- Ipakush wajiyai pachimnawa usumagtashaish.



Jintinkantin takatain suwawai págs. 99.

Waji atsumaji

Jampu, ipak, suwa.

Dakumkamu usumtijam, wágka usumin aajama nunú ugmattsata.





Duwe najanamu jakimtikat

Jintinkagtin ujamau

Inia takataijai najanamun agatkamun
iwainawai nuniak iniimui:

- Wajiyai jakimtiktayaita najanamush.
- Ipakush wajiyai pachimtayaita.

Agagta uchi adayainamu.

Awaksag diinawai adaikamujin.

Yajumui papii takatain tinamkamun pág. 101.

Waji atsumaji

Duwe, yukuku.

Wajukeawa yumi ipakjai pachimkamash. Wajukeawa daum ipakjai pachimkamash.
Wajukeawa puwag ipakjai pachimkamash, nunú iwainakta.





Daag: _____

Unuimbagbau iwainmamau

Jintinkagtin ujamau

Jintinkagtin uchi aidaun anentaimtikawai wajina takasagmayi.

Kumpajijai augmattsagtatui wajina takasagmayi nuna.

Yamai ame dakumkata tita wajina wakejusash takasajiwawa.







Ajakma juut
unuimagmi



Nuis



Yunuik

Duse augmatbau



Yaunchkek nuwa Yunuik daagtin dusegtin ajaku tuwajame, iman asa tikich nuwa aidaunak aja yuchau tusa dushiki wajaku.

Yunuik makichik tsawantai duse tegai ikaunma agajin anak pujuju. Imatika puja yumishkam yutug midau nunitai Yunuikchakam jiintuki juwaak wekaetau. Nuwaush Nuis daagtin igkuas tseken tajua dusen ajapaa yuwatatus segau tuwajame, tujash Yunuik sujitkau.



Dutikam wajasa niimkama wainkau makichik duse iyaag tepaun,
Nuischakam wainmauwaik nawen kajut najai wajasu imachik asa
dusegtin jeen wayamun wainak tsajam nawen kaet etea juwakug
pijajin chaat egkea pempenkug jeen wakitkiu tuwajame.



Jeen jega agauchijinig nugka tautus duse ajaya tuwajame.
Nunu tujuagmatai juki ekek ajau, nunashkam aikasag kuitamas
tujuagmatai juki ekek ajau, duwi tujuagmatai aja ajaji ukuaya
tuwajame.

Duwi pujus Nuis duse tujuajun tegaak nuwa aidaun ipaa tegau
tuwajame. Nuniak atumesh jukijum ajamjum ukujum yuwatajum
tusa tinamkau. Duwi nagkamas duse aja yutanak uyugkaju tuwajame.

Duse augmatbau

Jintinkagtin ujamau

Jintinkagtin uchin papii takatain tinamui nuniak iniimui:

- Wajina pachisag augmatua.
- Augmatmaunmash waji nagkaemaunak ujapakti.

Jintinkagtin augmatbaun aentsji aidaun, agagbaun daajijai aujui.

Uchijai augmatbaun aujui.

Jintinkagtin iniimui:

- Nantush tuwig wegaabi, wagkapa.
- Nantush wajinak anentaimi duse tegak wekaesash

- Nantush utugkamkiyi duse nijk pujusash.
- Nantu sukagtusua ankagmesh Atumesh duse ajutjamkuish sukagtumainkaitjum. Wagka.
- Amesh ajamdainukum yatsumjaish, kumpagmejaish, waji ajamdainume, ame batsatkamunmash wajina ajamdayin aagme, ajamdayashkuish wajuk batsamainaita.

Jintinkagtin uchijai chichawai ajamdaitan pachis nuwintush ii dekamu tikish uchi aidau jintiamun.

Uchi aidau chichainawai wajinak ajamaush ainawa ayamtainmash nuwigtush batsatkamunmash.

Jintinkagtinjai duse augmattsabau ausata.





111

Daag:

Yutai ajamasa yuwaami

Jintinkagtin ujamau

Jintinkagtin uchi aidaun iniawai. Apash waji takatna takauwe.

Uchi aidau diita patayish nuwigtu tikish aents aidaush wajinak takau ainawa nuna augmatuinawai.

Jintinkagtin iniimui:

- Dukuch ajakmamu juuka yuwakush ajamauka.
- Aents aidau ajamdaitsuk batsatmaunmash wajukmainkita.
- Aenst aidau ajamjamainashkuish wajuk anentaimainaitme.

Uchi diita anentaimaun chichainawai.





Jintinkagtin uchin ujawai tikich aentsjai ajamdaita nuna pegkejin nuwigtu ayamtainum uchi wajuk ajamdaimein ainawa nuna pachis.

Uchi aidau kumpajijai yutai itamujin ajamdaiyas yuwinawai.

Jintinkagtin uchin papii takatain tinamui.

Kumpajum ajampeamu dakumamkata.





Yutai pegkeg aidau

Jintinkagtin ujamau

Jintinkagtin iniimui:

- Yaunchkesh uchi aidaush ajakma juukmaunash ashi yuwash ajabia.
- Wagka yaunchkesh uchi aidaush pagat kegkejaish imatikash yuchaush ajakuita.
- Wagkan junash yuchaush ajabi nuna uchin ujawai.

Jintinkagtin uchin ujawai. Jinta minikman uchi apach yumintsak najagkamun shiig kuwashat bukunaidaun wainkamjai.

Jintinkagtin iniimui:

- Atumesh yumintsak aidaush yuuk agmujum. Iina iyashinish yaijatuash.
- Wajukmainkita ayatak yumintsak aidauk yuwashash.
- Tikich yutai aidaush tu yuwaji.

Jintinkagtin uchin ujawai yutai pegkeg aidau yutan, nuwigtu wajukmainaita yumintsak senchi yuwashash nuna.

Jintinkagtin uchin ujawai batsatkamunum yutai pegkeg ayaun, yuwan iyashnum yaijatu pegkeg jamamtuchu pujutan nuniau asamtaijuju: kegke, kukuch, pina, setach, mejech, pituuk aidau yuwaititji.

Jintinkagtin iniimui:

- Wajukmainaita yutai pegkeg aidau yuwashkuish.

Uchi aidau yumintsak yutajin adaiyainawai nuniak maakchau iyashnum etamna nuna augmatuinawai.

Jintinkagtin uchin papii takatain tinamui.

Dakumjamu diisam wajukmainaita yutai pegken aidau yuwaqjish nunú jakintijata. Antsamek wajukmainita yutai pegchau aidau yuwaqjish dushakam jakintijata.





115

Daag:

Dupa kagaku jai wasugkamami

Jintinkagtin ujamau

Jintinkagtin uchijai dupa kagaku aidaun ijumag batsawai.

Jintinkagtin iniimui:

- Wajuk jegamainaita, dupa kagaku inagnaku ijumjamunmash.

Uchi aidau wajuk jegamainaita nunu anentaimaun chichainawai nuniak wasugkamainawai.

Wej uchi juunikag tutupit pekaamak wajainawai.

Dupa kagaku ijumjamun ditak anentaimas nagkaegainawai.

Batsasta dupa aan kuwashat uchi segapainakuig.

Uchi aidau aneenawai yana ukujinik wajasagme.

Jintinkagtin papii takatain jakiitjai uchin tinamui.

Wasugkama nagkankamunum jintinkagtin iniimui: dupa kagaku ijumjamu tseke nagkaeku wasugkamaush shijjak awatamka. Nagkanmaunum jegantatamaush utugchatkaik.

Tuwi takanua




Ayamtai agajin.

Waji atsumnawa

Dupa kagaku.

Kumpagmesh wajuk wajasagme nunú dakumkata, nuniakum tuwí wajasagme kumpajum aidaush nunú augmattsata.





1


2

Daag:

117

4

3



Daag:

Dakumjamu diisa augmatbau anentaimsia jiikmi

Jintinkagtin ujamau

Jintinkagtin iwaintawai dakumjamun pág. 119.

Nuna diisam uchi aidau, augmatuinawai.

Uchi aidau augmatbaun, jintinkagtin papii muunum agawai.

Ashi augmatus nagkamkamtai, ataktu diinawai, agambaun.

Dakumjamun jukian augmatbaun adeajan tuwi anumainaita nuna diisan batsainawai pág. 117.

Uchi aidau augmatuinawai dakumjamun,nunik makichik etegkeawai nii aumattsatnun

Tuwi takanua

Ayamtai.

Waji atsumnawa

Dakumjamu aidau, ajatin.

Dakumjamu diisam, augmatbau agagta.





121

Daag:

Jigkai ajake nuwigtu yuwatnush tuwi ukuji

Jintinkagtin ujamau

Jintinkagtin yutai pegkeg juukmaun antsag bese kunashkam inakmawai.

Pegkeg yutai juukmau aidau nuwigtu yutai bese kuaish utugtaita nuna pachis uchijai augmatui.

Jintinkagtin jigkai aidau jega ukutan uchin ujawai.

Wajukmainaita shaa ajake jii bukuitamunum ukukchamash. Duse jega ukukmau ashi yuwa amukmash wajukmainaita.

Uchi aidau aimainawai.

Jintinkagtin jigkai pegkeg aidau eteeja shiig ukuki pataka ajatan Nuis wajukauwaita nuna pachis uchijai augmatui.

Jintinkagtin papii takatain pag. S3 auchin tinamui.

Yutai aidau dakumjamua nunú tuwí yuwatnush ukutaita nunui anujata.





Daag:

123

Bichak najanami

Jintinkagtin ujamau

Jintinkagtin uchin bichak mamajai ajampeawai.

Uchi aidau emtin bichakan umiawai dutika ajamawai.

Uchi aidaun iniawai:

- Wajuk bichakash najantaiyaita.
- Dekatkaush waji takanua.
- Duse udu, najuku, nuwikmaujaig bichak najantayait.

Uchi aidau anentaimaujin chichainawai nunitai jintinkagtin papi wegkagmanum agawai.

Jintinkagtin bichak najanatasaiish waji atsumtayaita nunu aidaun iwainawai.

Uminainawai yajaig juunikash takasagi nuniak juunik pekajun waji takastin aidaun aimkagmaun diis tinamui.

Diinawai wajukae duse udu, najuku, nuewikmau aidau dekegmash.

Bichaknak dukajai ijiawag ukuinawai. Kashikmas kaunawag bichak ijia ukukmaun jukiag yuwinawai.

Uchi aidau Jimag bichak najanamun yumin dakitua pachimag diinawai wajuku wajase nuna.

Jintinkagtin iniimui:

- Tuu bichak wi ajamasmag nujaish betekaita.

Juunika takasmaujijai ijunag chichasag etsejuinawai pegkennash najanawaja nuniak tuinawai bichakak najantaiyai duse najukujai.



Jintinkagtin papii takatain uchin tinamui.

Waji atsumnawa

Duse udu, duse nuwikmau, duse inagkamu, numi dekegtin, daek, duka, kaya, tataq.

Dakumkata wajuk bichak najanamume nunu.





125

Daag:

Ajakmamu juuka sujaji tusa wasugkamami

Jintinkagtin ujamau

Jintinkagtin uchijai augmatui yaa dukug aidauk ajakmamu juukash yaakat sujakush weenawa.

Yabai wasugkamattaji ajakmamu juuka sujamu tusa uchin ujawai.

Yutai ajakmamu sujaku patagtinum etegkeg uminawai.

Yutai jeenian itawaje: paampa, mama, tsabau, kegke aatus.

Uchi aidau yutai sujuktinu daajin akikejai papi tsupigmaunum agatuinawai. Jintinkagtin yutai akike wej nagkaekau ainum tusa diyawai.

Wasugkamak yapag.ainawai. Uchi aishmag nuwauchijai yutai sujin, tikich aidau yutai sumau aidau.

Sumau aidaun wej kuwichik kaya aina nuna nunuiyan tinamui.


Jintinkagtin uchin yayawai shiig kuwiskin dakapag jukiti tusa.

Sumak nagkanainak wajina sumakaje kuwiskish betekash ejeniaja atsa ampinjaegash nuna augmatuinawai. Kuwashat tsawan wasugkama pujuinawai tikich wajin ikaunmawag.

Papii takatain uchin tinamui.

Kuichik dakumkamu diisam waji sumamainaitme nunu anujata.





127

Daag:

Ajak juwaamu wasugkamami

Jintinkagtin ujamau

Jintinkagtin uchijai chichawai wajuk ajakmamu aidaush jutainta nuna pachis

Uchi ajakmamu juwaaku wekaesamujin augmatuinawai.

Jintinkagtin uchin iniawai: wajuk yajashnish ajakmamu aidaush juumainaita.

Uchi aidau diita etegkenawai wajuk ajakmamu juumain ainawa nuna anentaimas wasugkamatatus.

Uchijai papii tsupija ajakma yutai aidau dakumjamun nugka batsawai.

Jima Jimag achinikag wej ajakma yutai aidaun juwaawai.

Wasugkama nagkanainak papii muun wegkagmanum anujui jukmaujin. Kumpaji aidaun ujawai wajupa ajakma yutaina betekmamtin aidaunash juukaje.

Uchi aidau tuu nawejai yutai papinum tsupija dakumjamunash juuke nuna etsejui. Nuwigtush utugchatash dakapsama nunashkam etsejui.

Uchi wasugkamami tusa segamtaik patasag wasugkamainai.

Uchi yutai juukmau diisam makichik tentee jakimtijata.






Kukuch



Mama



Kegke

Chicham nagkanmauji betek aidau egakmi

Jintinkagtin ujamau

Jintinkagtin takatai dakumjamum uchin papii tinamui, nuniak tawai shiig esettsam diista, nunikam dakumkamunmash waji wainme daaji adaikata.

Uchi yujagke daaji adaiyainak ejegainawai dekatkau adaimaun. Nunik tikish yujag, kuntin, namak, aents ainau daaji adaiyam nuu betek nagkamnaun ejegainawai.

Tuwi takanua


Ayamtainum.

Waji atsumnawa

Papii tsupija dakumjamu daaji adayam, betek chicham nagkanaidau aidau.

Ejeta chicham betek nagkanu aidau nuniakum agagta.





Daag:

Japa nawe najanami

Jintinkagtin ujamau

Jintinkagtin uchin inaktawai tsanimpa duken kagkajin kagakun nuniak iniiawai jujaish waji najanmainaita.

Wajupa tsanimpa kagkajin duke takamainaita.

Uchi tsanimpa duke numijin dakapag akanak batsawai.

Wajupa muunta japa nawesh najanattaji.

Jintinkagtin sup japa nawe tsanimpa duke kagkajin najanamun inakmawai.

Uchi aidau etegkenawai wajupan najanattawa nuna.

Najana emainak tsanimpa duke wawaken dakapag batsak emainawai.

Uchi aidau tsanimpa duke wawaken tsen dakapag najanui japa nawen.

Jintinkagtin uchin papii takatai tinamui kenujai.

Tuwi takanua

Ayamtainum.

Waji atsumnawa

Tsanimpa duke kagaju.

Achimtikata wajupa tsanimpa duke kagaju japa nawesh najanamume nunu.





Daag:

Unuimbagbau iwainmamau

Jintinkagtin ujamau


Jintinkagtin uchi aidaun anentaimtikawai wajina takasagmayi.

Kumpajijai augmattsagtatui wajina takasagmayi nuna.


Yamai ame dakumkata tita wajina wakejusash takasajiwawa.







lina muunji takatai
najankamu dekaami



137

Namak mina nugkajui ayamu dekamu

Jintinkagtin ujamau

Jintinkagtin iniawai:

- Waji namaka wainin ainagme.

Maki makichik uchi aidau dakumui papii
pujunum namakan, apajish waji namaknak
mainiawa nuna.

Kumpaji aidau ujawai namak dakumkamujin.


Uwejin awatkiag namaka dajin adaiwai
chichaman akanag. Nuwiglush tsekeakush
takamainai.

Uchi aidau etsejuinawai ditash namaknash
itugka inagkamunak yuwatasash wakeyin
ainawa.

Juinawai papiin pujun dakumjamu diisag
takasti tusa pag. T-4.

Namaknum anugjata namak aidau, dutikam amina namak shiig awatamu tenteata .





Namak wasugkamami

Jintinkagtin ujamau

Papinum najanainawai namakan nuniashkush
dukanum maki makichik uchi wej namakan.

Chichaman uminawai wajuk
wasugkamawagtatua.

Aga jinkiag egawai agkantun namak
najankamun batsastatus. Namak kakajus
maumainun etegkeg umiawai.

Jim jim wajainawai kumpajijai nunik agsean
ajuntuinawai namakan maatatus ajuinawai
sup imania pataka dakpmamsatin.

Inagnakag etsejuinawai wajupa namaknash
maawaje nuna.

Ejeyinawai yaa kuwashtash mae, yaa
ujumchikesh mae nuwintu yaa betekash mae
namaknash.




Jintinkagtin tinamui papiin.

Waji atsumnawa

Agsea najankamu, namak nish nimtin
najagkamu, nuwintu najanamu amainai
dukajaishkam.

Wajupa namakan maawaje dekapam diisam tegtee aiudau jakimtijata . Nuniakum yaa
ima kuwashat maawaje nuu tegteata.





Daag: _____

Iina nugkenish namakash wajuk mautaiyainta

Jintinkagtin ujamau

Jintinkagtin ayamtainum juwawai agsean nunik uchi aidaun iniawai.

- Yaa agsea takatnash dekawa.

Uchi aidau augmattuinawai diita agseajai ajunbaun.

Uchi aidau iwainawai wasugkamainak diita apajish namaka maatasash wajuknuk ainawa nuna pachisag.

Jintinkagtin inimui:

- Namaknash wajuk mainiawa aishmagkush. Nuwasha.

Uchish namaknumash wajukeawa.


Wajinak takaush ainawa namaka pachintakush.

Apag muntan ijajainawai namak main atasaih wajig takataigkita nuna ujatkati tusa.

Jintinkagtin pachis ekek ujawai uchi aidaun.

Dakumjamu diisam amina nugkeminish wajina takachu ainawa nunú jakimtijata.





143

Daag:

Namak pachisa wasugkabau

Jintinkagtin ujamau

Jintinkagtin tinamui namak dakunjamun pag. T5 nuniak ujawai papiin ninukti tusa ijugbau diisag ninukta tusa.

Jintinkagtin uchi aidaun iniawai, itugmainaita namakash ekemkati tusaish.

Uchi aidau etegkenawai diita namak ninugbaujin nuniak anentaimui tikichish wajuk najanmainaita nuna.

Jintinkagtin ujawai uchi aidaun, wasugkamami kagka tupikamu, tujash achitsuk umpuijum ekektajum tusa.

Uchi agkan batsamas diita etegjamun wasugkamainawai.

Dakumui nugka tsentsakag. Dekatkauk tuwi juwaki wetatji, tuwi wegakuiya inagnaktatji.

Ijumui wej uchin akanag.

Namakan najanainawai ninujag, ijuja tsentsagbaun diis.

Maki makichik juki namakan apujui tsentsagbaunum, nunik umpuiniag emainawai.

Kuwaegak wegamunum jintinkagtin tawai anig wajantajum tusa, iniawai:

- Yaa eemkash pujawa.
- Yaa inagnamush pujawa.
- Amina namakjumesh wajinma pujawa.

Anik wasuwasugkamainakua jegainawai diita mamikjamujin.

Maki makichik uchi etsegmamainawai, namakjin jukish yayaa tantame tusa.

Dakumkata namakash wajuk jegawagme inagnamunmash jegatasamesh, dutikam kumpajum aidau ujakta amesh wajinma juwakmume.





Paampa kesaja namak inagbau



Daag:

Paampa kesaja basamka namakjai inagkami

Jintinkagtin ujamau

Iina dukuji ipami paampa basamka inagkatasa namakjai.

Uchi aidau ijunag chichainawai diitash wajinma yaimkagtatua nuna pachisag.

Dukug chichamun jikatus antuinawai, nuniak yaimainawai dukug juu jutikata tutai.

Takasa wegamunum dukug etsejui paampash wajuk kesataiyaita nuniak tawai kuitamamkatajum yumi sukutin adepawainum.

Najukmatai yuwatasajan dekatkauk ikigmataiyai.

Anenawai diita unuimagbaujin.

- Inagkatasashaish Waji atsumnawa
- Wajuk inagkagme pegkeg kuta najaneati tusash.

Kajimatkig tusag againawai.

Tuwi takanua



Ayamtai agajin.

Waji atsumnawa

Paampa, namak, yumi, wee, kesatai, sum.

Umikta wajijai najanme.





Daag:

Uchi tsakat namakan yumainchau aidau

Jintinkagtin ujamau

Jintinkagtin ipawai dukujun ayamtainum taa ujakti tusa uchi aidaush tuu namak aidaun yumainchau ainawa nuna pachis.

Uchi aidau inimainawai diitash shiig antukagtatus.

Jintinkagtin iwaintawai namaka wakani aidaun. Uchi aidau etegkenawai diita namak yumainchau aidaun.

Jintinkagtin anemtikawai uchi aidaun bauts, pepen aidaun yumainchau ainawai atak muun wenakush wajukmain ainawa nuna diisag.

Uchi aidaun jintinkagtin iniawai tikish namaknash diitash dekainatsuash yumainchau aidaunash.

Tuwi takanua

Makichik dukug.

Waji atsumnawa

Namaka wakani dakumjamu pepen, bauts, pepen niish nimtin aidau, kagka, tujushik, kusea, tugkae, mamayak, tsutsum, pani.

Papii nanejam yantamen anujata uchi bautsan yuwakush wajukmainaita nunu diisam.





6



4



5



5



6

Daag:

Kanunum wekaesami

Jintinkagtin ujamau

Jintinkagtin uchin iwaintawai wej shimpi duken dutika uchi aidaun iniawai, juu duka juwish wajuk wasugkamtaiyaita.

Uchi aidau iwainawai wasugkamtain.

Chichaman uminawai wajuk wasugkamattawa iyashin umimtiktsukesh kumpajijaish

Imanis niina kumpajijai yapag.awag wasugkamainawai.

Jintinkagtin inimui:

- Shimpi waagkujinish uchish wajupa chimpimainaita.
- Wajupa uchish atsumnawa awekastasaish.
- Kam uchi egkea awekastasaish wajupa atsumaji japiki tusaish.
- Mina awekattsati tusanush wajupa uchina atsumaja.

Waji ayamtainmash awa nunash juki awekaumainai

Tinamui takasti tusa

Tuwi takanua

Shimpi.

Kanu dakumkamunum wajupa uchi atsawa agatkamujai betek ati takujish nunu diisam anujata.





Daag:

Unuimbagbau iwainmamau

Jintinkagtin ujamau

Jintinkagtin uchi aidaun anentaimtikawai wajina takasagmayi.

Kumpajijai augmattsagtatui wajina takasagmayi nuna.

Yamai ame dakumkata tita wajina wakejusash takasajiwawa.









Awantua najantai
dekaami

Etsa Bachigjai itipak najanamu



**Etsa
Bachig**



Etsa Bachigjai itipak najanamu

Makichik tsawantai Etsa ujuchi dasayagatus pujai, Bachig
ijaak taa ekemas iniaw, kumpaju itugkatnua aikame tama
Etsashkam itipak najanatnun kutamatasan jutikajai. Tutai
ekemas antuk anentaimas taya tuwajame, untsu kumpaju ijjai
najanami wisha yamai wakan umiktajai. Tutai Etsa ayak ayu
amesh takumek ayamtsuk ekemssam umikam taam autusta tiu
tama ayu takug jeen wakitkiu tuwajame.



Etsak Bachig waketaig waamak takaya tuwajame ujuchin dasayag ijumag, takatai aidaun ashi umik wajaya.

Nuniai Bachigchishkam jeen jega chimpui juwakug ekemas ujuchi dasayag umik pempenak kugkuki duken ichiag ito pempeaq numinum paket anug jigka jigka awasau nuniok shiig yacha asa waamak takas emau.



Ashi ujuch nena ja takastinun umik Etsas wajukeawaki tusa
ijaak jeen wejeu. Etsa jeen jegamtai, iniau wajuksaupa tusa
tama wika yama ujuchin kutama ukukjai tau. Tutai Etsa tii
“Kumpajju yaya najanatig dakapdaisami” tutai Bachigchishkam
ayu tii, nuna tii ukuok jeen wakitki nagkama ukukiu asa
waamak itipka najana iti itipjus Etsa jegajua wika najana
umikjai tau.



Etsa chichak junaku wiyaa umiktajai timakuag takug kajeka
wajan yumigmajia tuwajame, timau asamtai itipkak waamak
najanchatai wajasia tuwajame.



Etsa bachigjai itipak najanamu

Jintinkagtin ujamau

Bachig Etsa aidau wakani inakmasta.

Waji wainjume, juju aentsu daajish yaa ainawa.

Jintinkagtin uchi aimaun antawai.

Waji augmatmauna antukagtatua nuna uchin ujawai.

- Etsash wajukatki.
- Bachigkish wajukatki.

Jintinkagtin augmatbaun nagkama augmatui.

Uchi aidau puyatjus awantua najanku dekapdaimau augmatmaun antuinawai.

Jintinkagtin iniimui:

- Wajina Etsash aikakug pujuyi.
- Jeenish yaa ijakush jegajuawaita.

- Bachig Etsanash waji tiuwaita.
- Itipak najanmaunum Bachig Etsajai dekapdaisachu ataish wajukmainuk ayi.
- Bachigkish wagkag itipkanash niyaa najanawaita.

Bachig waamak takatan takauwa iman atasaish wajukmainkita nuna pachis jintinkagtin uchijai augmatui.


Jintinkagtin atak awagki augmatbau agagbaun auji, uchi nunik papii agagbaunum dakumkamunum achimtikati tusa.

Dakumkata Etsa Bachig augmattsamu.





yajag



kaap



Daag:

Awantua najantai dekaami

Jintinkagtin ujamau

Jintinkagkin uchin yajuak ijajui, makichik muuntan dekas chagkin wampach najantan dekaun.

Apag uchin ujawai chagkin wampash najantaish tuwiyag jutaiyaita nuna. Aantsaq Dukug uchin ujawai chagkin wampash aidaush wajuk kuwitamtaita nuna.

Kaap, batae yajagjin uchin apatuk diistinme wajukukita achisa diyamash katsugmashit pukuttsashit tusa inaktawai.

Uchi aidau diita dekashmaujin iniimainawai. Jintinkagtin ayamtainum taa uchin, tinamui kaapin, yajagjai najanamuua aanun yajashni najankamun.

Kaap batae yajagjjai najankamun akanag batsawai.

Jintinkagtin iniimui:

- Wagka chagkinash yajagjaish najanmainchawaita.

- Kaap atsakuish chagkinash wajiyai najanmainaita.

Jintinkagtin uchi aimkamu antuk kaapik katsujam pegkeg asamtai iniak chagkin japimkuai najana takau ainawai tawai.

Jintinkagtin uchin anemtekawai wajuk kuitamainata chagkin waamak mamujai tusuish.

Papii takatain tinamui.

Yaa yaimainawa


Muun awantua najantan dekau.


Waji atsumnawa


Chagkin, suku, tukup, japimuk kaapi najanamu, japimuk batae kuwijiijai najanamu, wampash yajagjai najanamu.

Tuu ainawa wajish yajagjai nuwigtu kaapjai najantai aiudaush nunú dakumjata. Augmattsata wagka jusha takatai ainawa.









Daag:

Kaapjai najantai dekaami

Jintinkagtin ujamau

Uchin kam kam akanag, kaap kampujam tsejeg nuwigtu esajam sutag aidaujai tinamui. Uchi titaa akanag batsastinme.

Uchi akanag ijumainawai (kampujam, tsejeg, esajam, sutag aidaun) nunik dakapainawai wajupa maki makichik akanjamunmash awa nuna, etsejuinawai wajinma atsumnawa kampujam, tsejeg aidaush.

Jintinkagtin papii takatain uchin tinamui.

Uchi aidau dakumjamun diisag wajupa kaap atsumnawa nuna dakapainawai.

Aagkamunum agajag jintinkagtinun wajupa kaapnash atsumiagtatua nuna segainawai.

Papii takatainum dakumkamu aun diis najanainawai. Kaapnash shijash ejeyaja ampinjacheash tusa diinawai.

Jintinkagtin uchi takagtai wajasa diyawai nuniak shijash dakapag juwina nuna anemtikawai.

Tuwi takanua

Ayamtai.

Waji atsumnawa

Kaapkesh numikesh esajam, sutag, kampujam, tsejeg aidau maki makichik wej ejetuata.

Dakumjamu diista. Aagkamunum agaga wajupa kaap atsumame nuniakum segamim najanata.





1



2



3



4



Daag:

Wajuk awantaiyaita wampachish

Jintinkagtin ujamau

Jintinkagtin iniimui:

- Jeeminish yaa wampashnash najannuwe.

Waji atsumnawa

Kajimatkig tusa jintinkagtin uchijai wajuk wampachish najantaiyaita nuna chichama umik agawai.

Muun wampachi najannu jee ijainak weenawai.

Shiig esetus diinawai muuntash wajiyai wampachnash awantua. Muun chichagkagtamunash jikatus antuinawai.

Ayamtainum kaunawag muun takamu unuimagbaun augmatuinawai.

Jintinkagtin uchi augmatbaun agawai.

Jintinkagtin uchi antuktinme shijash agajag tusa aujui.

Uchin papii takatain tijnjai tinamui.

Yaa yaimainawa

Muun.

Tuwi takanua

Muunta jeen.

Dakumjamu diisam wajuk wampachish najantaita nunu agagta.





Daag:

Yujumak patasa yutai najanami

Jintinkagtin ujamau

Jintinkagtin uchijai chichawai dekas puna
bikajai tusa patattha ekeni yutai najanami tusa.

Uchi anentain apujainawai wajuk
najanmainkita punanum patasa ekeni yutai
aidaush tusa.

Jintinkagtin uchin tinamui takatain pag. 169
Uchi jintinkagtinjai aujui wajuk juki awantuash
najanawagtatua nuna pachis. Inimui
utujimaun.

Jintinkagtin suwawai achu duken tsupigbaun,
dutikam jintinkagtin yaigkam najanainawai.

Jintinkagtin yaimpakmatai dakumjamu diisam patasa yutai najanata.





170



1 Tsawan



2 Tsawan



3 Tsawan



4 Tsawan



5 Tsawan



6 Tsawan



7 Tsawan



8 Tsawan



1 Tsawan



2 Tsawan



3 Tsawan



4 Tsawan



5 Tsawan



6 Tsawan



7 Tsawan



8 Tsawan



Daag:

Jakit najanat unuimagmi

Jintinkagtin ujamau

Jintinkagtin uchin chinchaki duken inaktawai nuniak jujai umitia jaanch jakimtijatas tusa ujawai.

Jaanch chinchakjai jakimtijamun inaktawai.

Uchi iniasta: wajuk chinchaki dukejaish jakitaish Jimainkita.

Uchi diita anentaimaujin chichainawai nunitai jintinkagtin papinum agag anujui. Jintinkagtin wajuk chinchaki dukejaish jakitaish Jimainaita nuna uchin ujawai. Wajuk diita aimkaje nunisag juunik takainawai. Jintinkagtinush wajukatig wisha atumjai dekattajai tawai.

Duwe akai itamun juki pinigka najana yumi yajaa chinchaki duken chimpia ukuawai.

Dukap asa tanta diyaam antsag atai tsen tsawan ukuki diismi wajukatig tuinawai, nunik nunu tsawan jegamtai diisag yapag.maun wainak papinum agawai.

Tsawantai diista wajuku wajasa awa chinchaki duke yuminum egkea ukukmaush nunu jakimtijata. Nuniakum yumish wigka wajastasash wajupa tsawan pujusme nunú kumpajum ujaka.

Uchin papii takatain tinamui tsawantaish chinchaki dukesh wajuk yapag.uak nuna agagtis tusa.

Tsawan mamikiamu jegamtai diinawai nuniak yapag.a minimu diismaun apatuk diinawai, chinchaki jakitji jiktasaik duwenum yumi yajaa duke chimpia ukutia tuinawai.


Tuwi takanua

Ayamtainum.

Waji atsumnawa

Yumi, jaanch puju, jaanch chinchakjai jakimtijamu.





173

Daag:

Aishmag nuwajai nugkutai aidau

Jintinkagtin ujamau

Jintinkagtin nuwa aishmag aidau nugkutain iwaintawai.

Uchi aidau jaanchish wajukuk ainawa tusa achis diinawai.

Uchi nuwa nugkutai aishmagnaujai akanag batsawai.

Jintinkagtin jaanchish wajukuk ayi inia nugku ajakmaush, yamaish wajukunak nugkuinawa nuna uchijai augmatuinawai.

Uchi nuwaush aidau tarachin nugkuinai, aishmag aidau itipkan nugkuinawai.

Jintinkagtin papii takatain uchin tinamui.

Tuwi takanua


Ayamtainum.

Waji atsumnawa

Nugkutai aidau.

Inia nugku ajakmau dakumjamu tsupijam uchi nuwauch aishmag aidau anujata, aikasmek tikich uchi nuwauch aishmagjai waja nunu yamaish wajuk nugkuinaji dutik anujata.





Daag:

175

Iwagmamtai najanbau

Jintinkagtin ujamau

Jintinkagtin jigkai waaji najatkamu aidaun uchin inaktawai.

Jintinkagtin iniimui:

- Waji wainjume.
- Jigkaijaish waji aikmainaita.
- Wagka jigkaish weganua.
- Yaki jigkai wegagmaunash nugkuwaita. Wajjiyaik aishmagkush iwagmamnush ayi.
- Wajjiyaik nuwash iwagmamnush ayi.
- Yaki nuwa iwagmamak nugkugtinash, kugkunash umignush ayi.

Jintinkagtin nuwak ditak jigkai ainaunak wegaja nugku ajakui tusa uchin ujawai.

Jintinkagtin yabaik jigkai atum wakegamu wegagtatjume tusa uchin ujawai.

Uchi aidau diita anentaimaun najanainawai.







Jintinkagtin kam kam uchin akanag ijumui, wegagmau wegantun tinamui, dutikam nii wakegamun etegkeawai, apatuk diyawai betekash aina tusa. Jintinkagtin takatain tinamui.

Waji atsumnawa

Jigkai waaji najatuamu aidau.

Dakumkata jigkai wegaja najanamujum.





Daag:

Chimpiamu wasugkamami

Jintinkagtin ujamau

Uchi aidaujai paampa kaunkajijai tewa najankata dutikam aga batsasta.

Sup uchi ijumjam maki makichik tewa tinamkata, aga chagkin apusamunum makishkia nagkima chagkinum egkeatnume.

Dekatkau wajau papinum wajupa kumpajish nagkimash egkeatig nuna agagtatui.

Wasugkama nagkanmaunum jintinkagtin iniimui:

- Yaa chagkinnumash ima kuwashtash egkeae.
- Wagka ima kuwashat egkeae taji.

- Utugkeakjia aan kuwashat emamainitji. Papii takatain tinamui.

Tuwi takanua

Ayamtai agajin.

Waji atsumnawa

Chagkin, tewa.

Chagkinumash wajupa tewana egkeawaje nuu diisam agagta. Chagkin tewa chimpiamu apatkam diisam kuwashat chimpiju yakagta.





Daag:

Unuimbagbau iwainmamau

Jintinkagtin ujamau


Jintinkagtin uchi aidaun anentaimtikawai wajina takasagmayi.

Kumpajijai augmattsagtatui wajina takasagmayi nuna.

Yamai ame dakumkata tita wajina wakejusash takasajiwawa.







lina jee pachisa
unuimagmi



Iina jeesh wajukuita

Jintinkagtin ujamau

Jintinkagtin tinamui takatain uchi jeen dakumkatnume tusa.

Maki makichik uchi jeen dakumkamun augmatuinawai.

Uchi diita takasbaun etsejuinak juna tuinawai:

- Wajiyai tanishmagmauwaita nuna, aantsag waji dukai jegamkamuita nuna pachis.

- Etsejunawai wajuk yujumak inagtaish awa nuna.
- Yaa ainauwa batsatua jeenish.

Jeega diinawai apatuk tuwi yapag.ua, aantsag tuwi betekmamtinaita nuna.

Jintinkagtin iniawai:

- Jeminish waji yapagmainaitpa. Wagka.
- Uchi dekamujin etsejui.

Jeemin yajai batsamnume nunu dakumkata.





Daag: _____

Jegash wajuk jegamtaiyainta

Jintinkagtin ujamau

Jegash wajuk jegamtaiyainta, jeganash yaa jegamua.

Jega jegamaun wainkamujin augmatuinawai.

Muun jega jegamaun uchijai shiyakag diinawai.

Jeentin jega jegamku takatain iwaintak ujawai wajinum atsumtai ainawa nuna pachis, aantsag ujawai wajuk jegamtaiyaita nuna, pachis ujawai muun chichagktak aajam takasum pujustajum tiuwai nuu uwaemaitsui tusa.

Uchi inimainawai nii anentaimas wakejamun, wajuk jegash jegamainkita nuna pachis.

Jintinkagtin, uchijai augtainum kaunawag muun chichau antukbaun patas augmatuinawai. Takatain uchin tinamui, dakumjamun.

Uchi iniiamu:

- Muun jeen jegamak numi katsuchujai takasmash wajukawainki.
- Jintinkagtin antawai uchi chichagtai, muun yacha jega jegamin ipaam ujajatkati tusa.
- Tinamui papii takastinun, dakumjamun diisa umikti tusa.
- Takatjin takasbaujin ashimak shiig aneas augmatuinawai.

Dakumkata shugku pegkeg etejamu.
Duka yapajiamu.





Muun pagka
jegan jegamui

Muun jegan jegamak
shiig takatsui

Muun jegamtan yacha tukee diigmaku amainai

Jintinkagtin ujamau

Jintinkagtin uchijai patas anenawai diita patayi jeega jeegamau wainkamun.

Jintinkagtin uchijai chichainawai jeega jeegamin ipam yaijatmainun, nugka, numi, duka aidau eteja jeegamtan.



Jintinkagtin uchin iniiawai:

- Wajukmainkita muun waujus takak dukan shiig jegashmash. Jintinkagtin antawai uchi tuinamun, antuk, dekas tajume tukee ipamainai muun yacha dutikam nii duka jeetan jintinjamainai tawai.
- Takatain uchin tinamui, aantsag dakumjamun ujai.

Takas ashimkamtai segawai, takatjin iwainak augmattsati tusa.

Dakumkata jega tuu ima shijash jegankaume nuu diisam jakimtijata.





Daag: _____

Juti batsatkamunmash wajuku jeega jeegamjamu ainawa

Jintinkagtin ujamau

Jintinkagtin uchin iniiawai ii batsatkamunum wegaja diismi wajuk jeegash jeegamjamu ainawa.

Jintinkagtin nuna diinak yujas uchin iniawai:

- Wajuku ainawa jegash.
- Jegash wajiyai tsentsakagmawaita, nunikash waji dukai jegamkamuita.

Tanish wegantush jakimtijamuk aina. jeganmash wajupa tsapui nimtaish ajawa.

Papii augtainum chimpimsag diita jeega

wainkamun pachis augmatuinawai nunik diis ejegainawai jeega dakumjamun pag. 191.

- Jeega aidaun, nii ijak wainkamujin, papinum dakumkamujai betekmamtinun wainakakanag ijumainawai.
- Jintinkagtin uchin iniiawai: wajuwajupa ajutjamainawa jeega betekmamtinush. Yanau ima kuwashtaita. Yanau ima pipichita.

Yanau ima pipichita.

Takatain tinamui.

Anujata jeega betekmamtin aidau dutikam dakapajam tsentsasa aagkamunum batsakta.





Daag:

192

Augmatbau Lucia Alcántara Jee

Nuwauch Lucia Alcantara, pujuwai Trujillo, nuwig senchi
etsantu asa senchi seekiyai, imanik yutatsui, jeeg jim ekeni
jegamkamui tanishmagmauwai sementu ladrillujai ekenja,
jeega esajig epekmauwai ayatak kuweja sementu tawa
nuwi, waitik makichik
aputusmauwai,
numi shiig pinuma,
tsapui niimtai jim
muun aputusmauwai
tsetsek kashi wayawai
tusa vidriu saawiyai
epekmauwai. Tuja Lucia
patayi aidau jegaa
waitainum yakii numi
sapagkeamu cruz tutain
aputusu ainawai, pujut
pegkeg atii tusa.



Tikich nugkanmaya jeega aidau

Jintinkagtin ujamau

Takastinun tinamui pag. 193

Jintinkagtin shiig aneas, juu dakumkamu
jitusjuum distajuum nunikjum augmattsatajum
tawai.

Jintinkagti takatain aujui, uchi wajuk
takasagtatua nuna pachis.

Uchi chichagtai shiig puyatjus antujuk iniawai.

- Juu jeegash, iina jeejaish
betekmamtinuk aina.
- Wajijinia betekmamtinchauwaita.

Jintinkagtin, uchi tamaun agas juki, ujawai
jeegak jeegamtaiya wajuku nugka ainawa
nunu diisa tusa.

Juju agagbau nunu jintinkagtinjai ijunjajum ausatajum.





Iina jeenish wajuk yaimji

Jintinkagtin ujamau

Jintinkagtin uchi aidaun iwaintawai jeega dakumkamunum niina patayijai batsatun.

Uchi aidau dakumkamu diisag etsejuinawai.

Jintinkagtin iniimui:

- Amina jeeminish wajuknume, waji takaume.
- Tuu anentaimnume jeemin yaimkumesh
- Tuu takata shijash awatamnuwa jeeminish.
- Tuu takata shijash awatamchauwe.
- Uchi aidaush diitash jeenig yaimain ainawai.

Jintinkagtin uchijai chichainawai jeen diita takamu aidaun pachis.

Jintinkagtin uchin ujawai, takakjumesh wainkam atum aikmainchauk takasaigpajum tsakaja wegakjum unuimagtatjume tawai.

Jintinkagtin takastinun tinamui.

Dakumkamun diisag etsejuinawai.

Jintinkagtin iniimui.

- Amesh wajinma yaimnume jeeminish.

Dakumkata amesh wajinma yaimnume. Nunikam etsegkata, amesh yaimkumesh wajuk Dakapmamnume nunu pachisam.



Jeega jeegamkatasai
jujai takanui

Kumpagjai jeegan
jeegamjai



Jeega uchuchiji iina augtaijin jeegamkami

Jintinkagtin ujamau

Jintinkagtin uchin ijumag chichawai nuniak jeega jegamkami yaijush iina augtaijin tawai.

Jintinkagtin uchin tawai, iina wasugkamtaiji iina augtaijin awa nujaish jeegash jeegamainkaik. Wajupa muunta jeegamainaita.

Kumpajijai juunik kanajag ijumdaegag chichainawai wajina takasagtatua nuna.

Kanaja ijumdeajau diita kumpajijai chichas uminainawai wajuku niimtinna jeeganash jeegamkagtatua.

Wajupa muun atatua, wajina atsumjagtatua jeegamainakush.

Nagkanak takatanakan sudaiyainawai diita umiktinun.

Jeegamak nagkanainak diinawai dekas umikajeash diita itatjai timaunash.

Takatain jintinkagtin tinamui takastinme tusa.

Dakumkatajum atum jega jegamkamu, adaijam etsegkata waji aidau yajuakmea takasume, wajuk nagkamam jegash takasume.





Daag: _____

Unuimbagbau iwainmamau

Jintinkagtin ujamau

Jintinkagtin uchi aidaun anentaimtikawai wajina takasagmayi.

Kumpajijai augmattsagtatui wajina takasagmayi nuna.

Yamai ame dakumkata tita wajina wakejusash takasajiwawa.



Ii chicham
umiktin
shiig aneasa
pujustasa



202



Daijun nijajai yujumka yuwan

1 tsawan	2 tsawan	3 tsawan	4 tsawan	5 tsawan

Daag: _____

Anujata uchi dushiak wajau naim tsawantai nijaju asa.





Mina takataijun tsuwamja ukuajai

1 tsawan	2 tsawan	3 tsawan	4 tsawan	5 tsawan

1 tsawan	2 tsawan	3 tsawan	4 tsawan	5 tsawan

Daag: _____

Etsa dakumjamu anujata waji aidau ayamtainum tsuwamja ukuakme tsawantai yaimkau akumek.





Wasugkamtainnak tsagkatdainujai

1 tsawan	2 tsawan	3 tsawan	4 tsawan	5 tsawan

Daag: _____

Dakumkata yapi dushiau, tsawantai wasugkamtai tsagkatdaikau asam.





Ajantusan diinujai mina kumpag aidaunak



1 tsawan	2 tsawan	3 tsawan	4 tsawan	5 tsawan

Daag: _____

Jakimtijata tesamu tsawantin kumpajum ajantusam diisu asam.



Augmatjai pujutjun



Daag:




mijan ajutui - awajunitjai

Mina patag aidau




Mina patagjai pujujai.



Mina shamataijun

*Mina waitkaja nuna
dakumjai*




Jujuna
wasugkamatasan
wakegajai

Kuntin
wakejutain




Mina Ayamtaig



Juwai mina jintinjinuk







Jintinju daaji




Mina kumpag shiig
wasugkamtaijun
dakumjai











KANKA




TUJUSHIKU




KAMIT




PUTU




KANTASH






KUGKUI




T5











Pág. 39







Pág. 43





Pág. 207











K1



K2











K4















K5






K7




K8




Juwi anujata

Kawau

Kawau ujeg
pachimkamui yagku,
samekmau, kapantu
aatus,
chichamag antukag
Imatiksag
dakumkagtinai
aenstjai betek.
Kawauk yamaik
amueka wegawai.



Kuntin
chigkijai
amuegak
wegaamu



Juwi anujata

Washi

Washik shuwig
paugtaku ainawai,
bakuig esagmai
uwejen ajawai sup
tsajap
uwej.

Jawi anujata

Bashu

Bashuk ikam
pujuwai, jikai
nugka kakekaun
yuwai, bashuk yaki
patamnai numi
kanawe
kampugma ibaunum.

Jawi anujata

Chinchilla

Yaunchkek shiig
kuwashat ain ajakui
yamaik imanik
atsawai kuwashat
ijinawaje duwapeg
shiig pegkeg
asamtai juwainak.

Jawi anujata

Sugka

Juka pishakak
ikam muja pujuwai,
yaunchuk iina muunji
senchi maamu asa
imanik wainnatsui.
Yamai nagkamsa
uchita wainkuik
kuwitamkami eme
anentsa, ashí jinawai.

Jawi anujata

Chayú

Ikam batsamin
ainawai tujash
yamaik waignatsui
numi aidau ijina
emamu asamtai
yomainji atsutai
shimawai atushat
nuwigtush jinawai
yutai atsutai.

Wasugkamku unuimagmi



- 1
 - 2
 - 3
 - 4
 - 5
 - 6
 - 7
 - 8
 - 9
 - 10
 - 11
 - 12
 - 13
 - 14
 - 15
 - 16
 - 17
 - 18
 - 19
 - 20
- Waji atsumnawa ichinak najanatasaish
- Wajiyai namakash mautaiyaita.
- Yaa najannaita chagkinnash
- wajiyai chagkinash najantaiyaita
- Wajiyai najantaiyaita tawasash.
- waji numi najantaiyaita ekentai aidaush.
- Wajina jinkajiyai najantaiyaita peetai aidaush.

